

王述庵少司寇續選

明
詞
綜

三泖漁莊藏板

序

國初朱竹垞太史集三唐五代宋金元之詞汰其蕪雜
簡其精粹成詞綜三十六卷汪氏晉賢刻之爲後世言
詞者之準則予尙以其不及明詞爲憾蓋明初詞人猶
沿虞伯生張仲舉之舊不乖於風雅及永樂以後南宋
諸名家詞皆不顯於世惟花間草堂諸集盛行至楊用
修王元美諸公小令中調頗有可取而長調則均雜於
俚俗矣然一代之詞亦有不可盡廢者故

御選歷代詩餘擷取者二百六十餘家予友桐鄉汪康
古又謂竹垞太史於明詞曾選有數卷未及刊行今其

明詞綜序

一

本尙存汪氏頻訪之而不得嘉慶庚申遇汪小海於武
林則太史未刻之本在焉於是卽其所有合以生平所
搜輯得三百八十家共成十二卷彙而鐫之以附詞綜
之後選擇大旨亦悉以南宋名家爲宗庶成太史之志
云爾嘉慶七年八月青浦王昶撰

詞綜印中葉中葉之譜不乖孤風無父未焚則對南宋
詞者之準則予尙以其不及明詞爲憾蓋明初詞人猶
沿其辭辭類詞綜三十六卷汪氏晉賢刻之爲後世言
國初朱竹垞太史集三唐五代宋金元之詞汰其蕪雜

明詞綜目錄

卷一

仁宗皇帝

宣宗皇帝

周憲王

劉基

張以寧

韓守益

貝瓊

梁寅

高啟

楊基

高明

劉曷

黃澄

程本立

姚廣孝

解縉

王洪

胡儼

瞿祐

謝應芳

張克有

卷二

鐵鉉

莫璠

李禎

王直

明詞綜目錄

徐有貞

趙迪

戴璉

商輅

聶大年

王越

張寧

湯允勳

李東陽

姚綬

沈周

桑悅

吳寬

王鏊

吳洪

趙寬

楊循吉

費宏

蔣冕

王鴻儒

夏鍤

史鑑

張旭

祝允明

李夢陽

顧潛

朱諫

王九思

邊貢

顧璘

唐寅

周用

陳霆

王廷相

卷三

陸深 王章 韓邦奇 丁泰

吳山 楊慎 齊之鸞 盧雍

張縉 桂華 李濂 崔桐

趙金 夏言 文徵明 陳鐸

謝承舉 陸楫 徐階 盧襄

陸邴 楊儀 呂希周 王慎中

吳子孝 陳如綸 薛廷寵 閔如霖

駱文盛 許穀 蔡宗堯

卷四

陳鏗 萬士和 李攀龍 周思兼

明詞綜目錄

文彭 王世貞 孫樓 王好問

趙大佑 邵圭潔 鄔仁卿 吳邦楨

于文未 王世懋 王錫爵 張鳳翼

高子濂 徐渭 陳淳 彭年

林章 夏樹芳 支大綸 趙南星

屠承隆 馮琦 湯顯祖 袁黃

焦竑 陳繼儒 王冝堂 儲昌祚

卓發之 賀彥發 楊繼禮

卷五

李日華 查應光 范鳳翼 支如玉

吳克

費元祿

俞彥

王銜

吳宗達

雷迅

魏大中

陳翼飛

吳宗儒

焦源溥

方于魯

錢士升

錢繼登

劉榮嗣

魏浣初

阮大鍼

王坊

鄭士奇

張名由

黃承聖

莫是龍

徐上煥

張大璋

彭紹賢

吳鼎芳

馬洪

施紹莘

董斯張

顧同應

馮盛世

范文光

孫茂芝

徐石麟

王屋

葉紹袁

陸錫明

汪膺

范汭

汪廷訥

卷六

明詞綜目錄

三

馮鼎位

葛一龍

茅維

卓人月

湯傳楹

楊士聰

萬壽祺

支如增

劉洞

路邁

吳本泰

錢繼章

歐陽鉉

陳子龍

方大猷

錢棟

夏允彝

來集之

單恂

黃周星

周世臣

王彥泓

金俊明

錢應金

方以智

萬日吉

呂福生

沈案

朱存標

卷七

朱一是

錢 棻

關 鍵

魏學謙

吳 易

王泰際

宮偉鏗

沈 龍

徐 遠

吳聞禮

夏完淳

沈 泓

吳 熙

沈 麐

沈自炳

韓曾駒

歸 莊

張綱孫

周永年

許 友

韓 洽

蔣平階

于儒穎

周積賢

吳 騏

計南陽

張天湜

金是瀛

沈 謙

李 標

卷八

魏允枏

張 逸

李元組

李明嶽

明詞綜目錄

四

胡偕行

程 靜

張大烈

程可中

秦瀚先

錢繼振

張 杞

于玉班

沈懋德

查維宏

胡 介

顧德基

俞汝言

戈 止

孟稱舜

王化龍

蔣爾璵

周 珽

邵梅芳

邵 麟

徐士俊

皮丹生

卷九

錢澄之

錢光繡

季孟蓮

賀 裳

李 燁

王 翊

沈目徵

沈際飛

姜實節

錢士賁

杜 濬

紀映鍾

陸嘉淑

韓純玉

周 箕

朱茂暉

孫紹祖

顧朝楨

顧 志

裴昌今

張 草

卷十

張文秀

陸亮輔

裴 律

唐世瀚

李伊玉

胡文煥

江 廣

顧 衆

喻 綜

張仲立

倪 撫

徐爾鉉

霍 達

吳 楨

郭輔畿

沈士鑛

沈鍾鶴

陸釋麟

梁木公

秦公庸

梁希聲

吳莫勝

陳琴溪

張卿玉

明詞綜目錄

五

天隨子

杜陵生

無名氏

釋涵初

道 源

今 釋

一 靈

張無爲

卷十一

黃 氏

劉 碧

端淑卿

顧文婉

袁彤芳

王鳳嫻

陸卿子

龍 輔

徐 媛

張鴻逵

瞿寄安

朱盛藻

沈宐修

張倩倩

葉小紈

沈憲英

項蘭貞

商景蘭

李玉照

葉紈紈

葉小鸞

沈靜專

儲 氏

申 蕙

張嫻倩

歸淑芬

吳 綃

顧道善

謝季蘭

陳氏

張引元

王朗

吳山

龐蕙蘊

沈素嘉

徐元端

周蘭秀

武氏

翁孺安

李端卿

卷十二

韓知珩

吳鼎

顧若璞

錢氏

郭璿

紀映淮

黃鴻

張紅橋

范妹

錢涓

馬守貞

劉勝

楊炎

薛素素

朱無暇

王毓貞

白旃香

趙燕

馬如玉

楊宛

王微

鄭妥

陳冉

花夢月

用詞綜目錄

六

景翩翩

張婉

朔朝霞

王月

寇皚如

崔嫣然

頤文

王賽玉

尹春

呼舉

沙宛在

京師妓

蘇世讓

鎖懋堅

王氏

沈靜筠

元妙洞天少女

鄭婉娥

翠微

王秋英

青浦 王 昶

仁宗皇帝 一首

宣宗皇帝 一首

周憲王 一首

劉 基 九首

張以寧 一首

韓守益 一首

貝 瓊 一首

梁 寅 二首

高 啟 四首

楊 基 七首

高 明 一首

劉 昺 四首

黃 澄 一首

程本立 一首

姚廣孝 一首

解 縉 一首

明詞綜卷一

王 洪 一首

胡 儼 一首

瞿 祐 一首

謝應芳 三首

張 肯 六首

仁宗皇帝

蝶戀花 九月海棠

煙抹霜林秋欲褪吹破胭脂猶覺西風嫩一作潤翠袖怯

寒愁一寸誰傳庭院黃昏信 明月羞一作修容生遠恨

旋摘餘嬌簪滿宮人髻醉倚小闌花影近一作暈不應先

有春風分

宣宗皇帝



醉太平 賜學士沈度

濃雲散雨收花苑內鳴鳩曉來喜見日光浮暖融融永晝
麥苗潤澤懷清秀榴花濕映紅光溜田家歌舞盡
歌謳是處慶豐年醉酒

周憲王

名有愷定 王長子

蕭皋集周憲王遭世隆平奉藩多暇留心翰墨製誠齋樂府傳奇若干種流傳內府至今中原絃索多用之李夢陽泮中元宵絕句云
中山孺子倚新妝趙女燕姬總擅場齊唱憲王新樂府金梁橋外月如霜

鷓鴣天

賦繡鞋

花簇香鈞淺浣塵輕風微露石榴裙金蓮自是慳三寸

明詞綜卷一

二

難載盈盈一段春 僊已去事猶存陽臺何處更爲雲

相思攜手遊春日尙帶年時草露痕

劉基

字伯溫青田人元進士入明以佐命功臣至御史中丞封誠意伯正德中追謚文成有誠意劉文成公集

二十卷詞附

古今詞話青田謁金門云風嫋嫋吹綠一庭春草轉應曲云秋雨秋雨窗外白楊白語青門引云相憐自有明月照人肺腑清如水漁家傲云亂鴉啼破樓頭鼓花犯云餘香怨繡被踏莎行云愁如溪水暫時平雨聲一夜依然滿渡江雲云定巢新燕子睡起雕梁對立蒼梧遠化作杜鵑歸去皆妙麗入神句元美云伯溫穠纖有致去宋尙隔一塵

如夢令

一抹斜陽沙背幾點閒鷗草際烏榜小漁舟搖過半江
秋水風起風起擢入白蘋花裡

浣溪沙

細草垂楊村巷幽白沙素石引溪流青苔磯上有扁舟
門外好山開罨畫屋頭新月學簾鈎窗風一榻似新

秋

眼兒媚

煙草萋萋小樓西雲壓鴈聲低兩行疎柳一絲殘照數
點鴉棲 春山碧樹秋重綠人在武陵溪無情明月有
情歸夢回到幽閨

明詞綜卷一

少年遊

三

清風收雨輕雲漏月涼氣入幽窗亂葉吟朝饑蟲啼夜
各自奏新腔 孤鴻又向天邊落歸夢阻蒼江百結愁
腸兩行衰髻寂寞對清缸

小重山

月滿江城秋夜長西風吹不斷桂花香碧天如水露華
涼人難見有淚在羅裳 何許鴈南翔堪憐一片影落
瀟湘百年身世費思量空回首故國渺蒼茫

臨江仙

街鼓無聲春漏咽不知殘夜如何玉繩歷落耿銀河鵲

驚穿暗樹露墜滴寒莎
夢裏相逢還共說五湖煙水
漁蓑鏡中綠髮漸無多
淚如霜後葉
撼撼下庭柯

千秋歲

淡烟平楚又送王孫去
花有淚鶯無語芭蕉心一寸楊
柳絲千縷今夜雨定應化作相思樹
憶管歡遊處觸
目成前古良會知何許
百盃桑落酒三疊陽關句情未
了月明潮上迷津渚

瑞龍吟

秋光好無柰錦帳香消繡幃寒
早鈞簾人立西風送書
過鴈依然又到
故鄉杳空把淚隨江水
夢縈江草何

明詞綜卷一

四

時賦得歸來倚松對柳開尊醉倒
衰髯不堪臨鏡鏡
中愁見蓬飛絲繞門外遠山青青長帶斜照石泉澗月
辜負夜猿嘯傷心處風凋露渚荷枯煙沼燕去元蟬老
滿天細雨鳴羈鳥花蔓當簷裊庭院靜遙聞清砧聲擣
擁衾背壁一燈紅小

張以寧

字志道古田人元末官翰林學士承旨明初例徙南京名爲侍讀學士有翠屏集四卷

明月生南浦

廣州南漢王劉鋹故宮鐵鑄四柱猶存周覽嘆息之餘夜泊三江口夢中作一詞覽而忘之但記二句云千古興亡多少恨總付潮回去因櫟括爲此詞

海角亭前秋草路榕葉風清吹散蠻烟霧
一笑英雄曾

割據癡兒卻被潘郎誤 寶氣銷沉無覓處 薜蘿猶殘
鐵鑄遺宮柱千古 興亡知幾度 海門依舊潮來去

韓守益

字仲修石首人明初以儒士攝
教空都擢春坊中允有樗壽藁

蘇武慢

江亭遠眺

地湧岷峨天開巫峽江勢西來百折擊楫中流投鞭思
濟多少昔時豪傑鶴渚沙明鷗灘雪淨小艇鳴榔初歇
喜憑闌握手危亭偏稱詩心澄徹 還記取王粲樓前
呂岳磯外別樣水光山色煙霞僊館金碧浮圖盡屬楚
南奇絕紫雲簫待綠醕杯停咫尺良宵明月揀高歌一
曲清詞徧徹馮夷宮闕

明詞綜卷一

五

貝

瓊

字廷臣一字廷珩崇德人洪武初徵修
元史除國子助教有清江集三十卷

水龍吟

春思

楚天歸鴈千行一書不寄相思苦忽忽過了踏青時節
更愁風雨燕子黃昏海棠春曉幾番淒楚問誰能爲寫
重重別恨算除有江淹賦 尙記銀屏翠箔抱琵琶夜
調新譜芳年易度沈腰寬盡白頭如許弱水三千武陵
一曲重尋何處奈無情杜宇年年此日到淮南路

梁

寅

字孟敬新喻人洪武初徵修禮書書成
以疾辭歸結屋石門山有石門集二卷

浣溪沙

錦樹分明上苑花晴光空日又空霞碧煙橫處有人家

綠似鴨頭松下水白于魚腹柳邊沙一溪雲影鴈飛

斜

高

啟

字季迪長洲人隱吳淞江之青邱自號青邱子洪武初召入纂修元史授編修擢戶部侍郎有扣舷

古今詞話青邱樂府大致以疎曠見長而石州慢又極纏綿之致

行香子

芙蓉

如此紅妝不見春光向菊前蓮後纔芳鴈來時節寒泥
羅裳正一番風一番雨一番霜蘭舟不採寂寞橫塘
強相依暮柳成行湘江路遠吳苑池荒恨月濛濛人杳
杳水茫茫

明詞綜卷一

六

沁園春 鴈

木落時來花發時歸年又一年記南樓望信夕陽簾外
西窗驚夢夜雨燈前寫月書斜戰霜陣整橫破瀟湘萬
里天風吹斷見兩三低去似落箏絃相呼共宿寒烟
想只在蘆花淺水邊恨嗚嗚戍角忽催飛起悠悠漁火
長照愁眠隴塞間關江湖冷落莫戀遺糧猶在田須高
舉教弋人空慕雲海茫然

楊 基

字孟載嘉州人父任江左遂家吳中洪武初知榮陽縣歷山西按察副使有眉菴詞

樂府紀聞楊孟載少時見楊廉夫命賦鐵笛詩成廉夫喜曰吾意詩境荒矣今當讓子一頭地當時有老楊小楊之目眉菴詞饒有新致 靜志居詩話孟載詩芳草漸于歌館密

落花偏向舞筵多，細柳已黃千萬縷。小桃初
白，雨三花布穀，雨晴玄種，藥葡萄水暖，欲生
芹雨，頰風頰枝外，蝶柳遮花，映樹頭鶯燕，子
綠，華三月雨，杏花春水一羣，鷓江浦荷花雙
鷺，雨驛亭楊柳一煙，風一路詩從愁裏得，二
分春向客中過，玄，近晚風迷，蛺蝶坐臨秋水
映芙蓉，羅幕有香，鶯夢暖綺窗，無月鴈聲寒
眉暈淺，顰橫曉綠，臉消殘，細膩春紅，小雨送
花青，見夢輕雷催，笋抽尖，鷺屋柘煙，朝焙
蘭，鵲爐沉火，畫熏茶試，填入浣溪沙，皆絕妙
好辭也。

清平樂

欺煙困雨，拂拂愁千縷。曾把腰肢羞舞，舞女贏得輕盈如
許。猶寒未暖，時光將昏漸曉。池塘記取春來，楊柳風
流全在輕黃。

浣溪沙

花朝

明詞綜卷一

七

鸞股先尋鬪草釵，鳳頭先繡踏青鞵。衣裳宮樣不須裁
軟玉，鏤成鸚鵡架泥金。鑄就牡丹牌，明朝相約看花
來。

夏初臨

瘦綠添肥，病紅催老，園林昨夜春歸。深院東風輕羅試
著，單衣雨餘，門掩斜暉。看梅梁乳燕初飛，荷錢猶小，芭
蕉漸長，新竹成圍。何郎粉淡，荷令香銷，紫鸞夢遠，青
鳥書稀。新愁舊恨，在他紅藥欄西。記得當時水晶簾一
架，薔薇有誰知。千山杜鵑無數，鶯啼。

多麗

問鶯花晚來何事蕭索是東風釀成新雨參差吹滿樓
閣碎寒金再簪寶髻靈犀鎮重護香幄杏憎生紅桃絨
淺碧向人憔悴未舒萼念惟有淡黃楊柳搖曳映珠箔
凭闌久春鴻去盡錦字誰託 柰夢裏清歌妙舞覺來
偏更情惡聽高樓數聲羌笛管多少梅花驚落鴛帶慵
寬鳳鞋懶繡新晴誰與其行樂料在楚雲湘水深處望
黃鶴天涯路計程難定長恁飄泊

燭影搖紅

簾

花影重重亂紋匝地無人卷有誰惆悵立黃昏疎映宮

明詞綜卷一

八

妝淺只有楊花得見解匆匆尋芳覓便多情長在暮雨
迴廊夜香庭院 曾記揚州紅樓十里東風軟腰肢半
露玉娉婷猶恨蓬山遠閑悶如今怎遣看草色青青似
翦且教高揭放數點春一雙新燕

高

明字則誠瑞安人元至正間官處州錄事洪武初任修元史以老病辭歸

鷓鴣天

題顧氏景鈞堂

綠玉參差傍短楹高堂清夢已冥冥滿枝只帶湘靈點
一曲空聽秦鳳鳴 天莫問物多情此君瀟灑若平生

風聲月色來亭榭老淚年來濕幾更

劉一昂

字彥章都陽人安慶左丞余闕待以國士後歸明太祖授中書博士應裕議典籤有春雨

浪淘沙 寒食

石逕土牆斜，桃李桑麻，紙錢飛處亂啼鴉。閒趁斜陽攜
榼去，寒食人家。苑樹憶天涯，遺恨琵琶。銅駝衰草臥
龍沙，漢寢唐陵，無麥飯，暮雨梨花。

滿江紅

寄水北山人徐宗周

水北幽居抱柴門，一溪寒玉，山萬疊，青林當戶，白雲連
谷。乳燕落紅春又晚，柴桑三徑多松菊。喜新晴，布穀又
催畊，秧分綠。牀頭酒，何時熟。謀諸婦，明朝漉，謾黃雞
炊黍。共邀鄰曲，舊夢風雲銷俠氣，繁華看破，知榮辱，繫

明詞綜卷一

九

扁舟罷釣晚歸來，書還讀

木蘭花慢

辛酉九日

寫長空一鴈，又景物是重陽甚。雨暗東籬，數枝青蕊未
放。秋香捲筇倦登，高處掩柴門。衰柳映橫塘，日暮江聲
哀哀。西風鬢影蒼蒼。當年歌舞翠紅鄉，一曲杜韋娘。
曾擊碎珊瑚玉人扶醉，銀燭成行。回頭已成陳迹，早歸
來茅屋。石田荒謾把清樽，遣興都非少日疎狂。

憶秦娥

溪頭柳青青，折贈行人手。行人手最傷心處，西風重九
陽關一曲，長亭酒，停鞭欲去，仍回首，仍回首，少年離

別老來依舊

黃

澄洪武初人

賣花聲

人過天街曉色擔頭紅紫滿筠筐浮花浪蕊畫簾睡醒
正眼橫秋水聽新腔一回催起吟紅叫白報得蜂兒
知未隔東西餘音軟美迎門爭買早斜簪雲髻助春嬌
粉香簾底

程本立

字原道桐鄉人洪武九年以明經薦為周泰二府引禮官至僉都御史有與隱齋集

清平樂

山翁歸去記得來時路雨漲溪泉人不渡花外鳥啼何

明詞綜卷一

十

處人間不是山中高懷都付絲桐一曲瑤池宴罷春

風吹盡殘紅

姚廣孝

字斯道長洲人幼名天禧後為僧名道行以靖難功為僧錄左善世加太子少師復姓賜今名有逃虛集

轉應曲

斜日斜日門外馬蹄聲疾林棲鳥盡飛還霞彩紅銜遠
山山遠山遠莫怪行人歸晚

解

縉

字大神吉水人洪武二十一年進士官翰林學士出為廣西參議有春雨齋集十卷古今詞語成補於中秋夜開宴賞月月為雲掩命解縉賦之縉遂口占落梅風一調云婦娥面今夜圓下雲簾不著羣仙見揀今宵倚闌不去眠看誰過廣寒宮殿成祖覽之歡甚

又賦長歌成祖益喜同籍飲至夜半月復明
朝浮雲盡散成祖笑曰卿真奪天手段也

長相思

寄友

吳山深越山深空谷佳人金玉音有誰知此心 夜沈

沈漏沈沈閒卻梅花一曲琴高松對竹林

王

洪

字希範仁和人洪武三十年進士永樂初授
吏科給事申入翰林為檢討與修大典歷修

撰侍講

卜算子 半道春紅

宿雨漲春流曉日紅千樹幾度尋芳載酒來自與春風

遇 弱水與桃源有路從教去不見西湖柳萬絲滿地

飛殘絮

明詞綜卷一

十一

胡

儼

字若思南昌人洪武三十年會試乙科官
華亭縣教諭累遷國子監祭酒有頤菴集

三臺令

樓上角聲嗚咽天邊斗柄橫斜酒醒風驚簾幙漏殘月

在梅花

瞿

祐

字宗吉錢唐人洪武中以薦歷宣陽訓導陞
周府長史永樂間謫保安洪熙元年放還

樂府遺音五卷
餘清詞一卷

西湖志餘瞿宗吉風情麗逸著翦燈新話及
樂府歌詞多俚紅倚翠之語為時傳誦及謫

成保安當與安失守邊境蕭條永樂己亥降
佛曲于塞外選子弟唱之時值元宵作望江

南五首詞旨凄絕聞者皆為泣下袁彦柳于
宗吉為大父行彥柳作梅詞霜天曉角柳詞

柳梢青各一百首號梅柳爭春宗吉一日盡
和之彥柳大驚嘆呼為小友宗吉以此知名

後彥狎自南荒歸葬西湖宗吉作詩送之云
一去西川隔夜臺忽看白堊塵蒼苔酒明詩
友凋零盡只有存齋冒雨來存齋宗吉自號

摸魚子 蘇堤春曉

望西湖柳煙花霧樓臺非遠非近蘇堤十里籠春曉山
色空濛難認風漸順忽聽得鳴榔驚起沙鷗陣瑤階露
潤把繡幕微褰紗窗半啟未審甚時分凭闌處水影
初浮日暈遊船未許開盡賣花聲裏香塵起羅帳玉人
猶困君莫問君不見繁華易覺光陰迅先尋芳信怕綠
葉成陰紅英結子畱作異時恨

謝應芳

字子蘭武進人寓居青浦
有龜巢集二十卷詞附

明詞綜卷一

點絳脣

老眼猶明著書未了餘生債客來休怪淡飯黃蘗菜

踏雪觀梅清興依然在南門外夜來尋戴扶醉馱驢背

滿江紅 未結開盡賣花聲裏香塵起羅帳玉人

舊約尋梅蹉跎過小春時節忽隴頭人至一枝先折喜

見春風顏色好縞衣不受緇塵涅把十年湖海舊相知

從頭說盡三江上滄洲雪千墩下珠林月似許詢支遁

總皆清絕重看青山攜素手此情方解相思結待滿湖

水泮柳風清孤舟發

張

肯 字繼孟浚儀人
有夢菴詞一卷

愛草堂帶村連郭門前碧水千頃秋波冷浸遙山晚青
鏡淨涵省影沙浦迥怪隔水漁歌鷗夢都驚醒時乘小
艇向柳外花邊載詩載酒獨盡漫遊興詞謾重省且得
身閑心靜樂事自甘瓢飲好懷誰道中年減佳趣更多
吟咏口轉徑門正對朝陽不怕梅花冷流連暮景有容
我爲鄰相依卜築共爾兩家隱詞人畫君不問春綠

浪淘沙

咏莎灘

雨過碧雲秋占斷灘頭滄浪翻處濕纖柔誰展翠茵平
似翦宿鷺眠鷗沙尾遠凝眸雨慘烟愁萋萋不共水

明詞綜卷一

七

東流幾度漁人來傍宿綠映孤舟

醉落魄

咏茗徑

翠鈿狼藉綠圓點點濃如積芳痕漲雨凝寒碧一片濃
陰依稀坐來石梁徑深不教殘陽入茸茸不似春紅色
芳塵淨洗無纖迹吟客求時只恐印行屐詞紫雲容
庭掩塵蹤靜悄雨長苔痕繚繞行處不妨花容我醉眠
偏好休掃休掃待積落紅多少詞滿地清涼

如夢令

咏石徑

聲聲慢

雪晴山鳴月冷江皋歲寒解后相逢攜手歸來輕盈一

樣春容行行間鳴環珮暗香霏縹緲東風弄花手與安
排金屋其貯芳穠雅淡暗通心素笑桃根桃葉冶艷
妖紅試問韶華樽前若箇情濃想是喬家姊妹可人處
清致皆同春正好淡眉山愁減幾重

徐有貞

一首

戴應

一首

聶大年

二首

張寧

一首

李東陽

一首

明詞綜卷一

周一首

明詞綜卷一

七

青浦王昶纂

鐵鉉一首

莫璠二首

李禎一首

王直一首

徐有貞一首

趙迪一首

戴璉一首

商輅一首

聶大年二首

王越一首

張寧一首

湯允勤一首

李東陽一首

姚綬一首

沈周一首

桑悅一首

明詞綜卷二

章懋一首

吳寬一首

王鏊一首

吳洪一首

趙寬一首

楊循吉一首

費宏一首

蔣冕一首

王鴻儒二首

夏鍬二首

史鑑一首

張旭一首

祝允明一首

李夢陽一首

顧潛四首

朱諫一首

王九思一首

青邊貢二首

顧璘二首

唐寅一首

周用一首

陳憲一首

王廷相一首

鐵

字鼎石鄧縣人洪武中由國子生授禮科給事中歷官兵部尚書死靖難之變

浣溪沙

晚出閒庭看海棠風流學得內家妝小釵橫戴一枝芳

削玉梳斜雲鬢膩鏤金衣透雪肌香暗思何事立斜

陽

莫

字仲璵錢塘人

蝶戀花

蘇堤春曉

十里樓臺花霧繞宜雨宜晴山色籠春曉楊柳梢頭殘

明詞綜卷二

二

月小海棠枝上猶啼鳥蘭帳玉人初睡覺試問樓前

畫舫開多少報道尋芳人起早紫騮嘶過香塵道

又 麴院荷風

五月涼風來麴院綠水芙蓉紅白都開徧風遞荷香情

不斷採蓮舟過歌聲緩醉折碧筒供笑玩翠蓋紅綃

高下翻零亂向晚新涼生酒面六銖衣薄停紈扇

李

字昌祺廬陵人永樂二年進士官河南左布政有倚菴詩餘二卷

柳梢青

題秋塘圖

落盡芙蓉收殘菱芡晚色淒迷斷葑荇隨流枯荷折柄秋
滿蘇堤沙禽自在幽棲極浦外天連水低粉墜蓮房

波漂菰米烟暝湖西

王

直

字行儉泰和人永樂二年進士歷官吏部尚書卒贈太保謚文端有抑菴集

浪淘沙

風暖翠烟飄殘雪都消遊絲百尺墮晴霄可惜春光容易過又近花朝
驅馬第三橋芳意蕭條竹林渾未放天桃瘦盡城南千樹柳不似官腰

徐有貞

初名理字元玉吳縣人宣德八年進士歷官華蓋殿大學士封武功伯諱皮雲南有武功生集

千秋歲引

風攪柳絲雨揉花纈蚤過了清明時節新來燕子語何

明詞綜卷二

三

多老去鶯花飛未歇秋千院蹴鞠場人蹤絕 踏青拾

翠都休說是誰馬走章臺雪是誰簫弄秦樓月從前已

是無情緒可奈而今更離別一回頭人千里腸百結

趙

迪

字景哲懷安人宣德十年舉人官南海縣知縣有鳴秋集

踏莎行

送友人還山中

逕轉清溪花飛紅雨武陵風景知何處當年厭聽水聲寒豈知忘却來時路
水邊人家烟迷津樹晚峯江上青無數幽人此別更多情移家歸向山中住

戴

璉

字汝器南海人正統三年舉人官訓導

滿庭芳

竹隱寒煙菊凝晚露空階霜月微明小窗寂靜四壁響
蟲聲風細金爐香裊穿花影數點飛螢良夜永悶無情
緒獨坐對長檠 玉人音信斷巫山雲鎖洛浦煙橫奈
魚沉雁杳誰訴衷情新酒難降舊恨佳期誤檐鵲無憑
愁人處更闌酒醒孤枕夢難成

商 輅

字宏載淳安人正統十年進士白鄉會試至殿試皆第一歷官吏部尚書謹身殿大學士

蓋文毅有素卷

古今詞話商毅菴負鼎鉉重望而小詞明淨簡鍊亦復沾沾自喜今讀其旅情春暮秋月退食諸篇不墮時趨自有殊致其一叢花咏初春云東風有信無人見露微意柳際花邊尤覺妥帖輕圓也

明詞綜卷二

一叢花 初春

今年春淺曠侵年冰雪破春妍東風有信無人見露微
意柳際花邊寒夜縱長孤衾易煖鐘鼓漸清圓 朝來
初日半銜山樓閣淡疎烟遊人便作尋芳計小桃杏應
已爭先衰病少情疎慵自放唯愛日高眠

聶大年

字壽卿臨川人正統間官仁和縣教諭景泰初徵入翰林堯山堂外紀云東軒集有玉樓人醉東風曉高卷紅簾看杏花真詞筆也

卜筭子

楊柳小蠻腰慣逐東風舞學得琵琶出教坊不是商人
婦 忙整玉搔頭春筍纖纖露老却江南杜牧之嬾爲

秋娘賦

又

粉淚濕鮫綃只恐郎情薄夢到巫山第幾重酒醒燈花落
數日尙春寒未把羅衣著眉黛含顰爲阿誰但悔
從前錯

臨江仙

半道春紅

記得武林門外路雨餘芳艸蒙茸杏花深巷酒旗風紫
騮嘶過處隨意數殘紅有約玉人同載酒夕陽歸路
西東舞裙歌扇繡簾櫳昔游成一夢試問賣花翁

王

越

字世昌稽縣人景奉二年進士歷官兵部尚書封威寧伯卒贈太傅謚襄敏有雲山老癩

明詞綜卷二

五

集四卷

詞附

浪淘沙

遠水接天浮渺渺扁舟去時花雨送春愁今日歸來黃
葉鬧又是深秋聚散兩悠悠白了人頭片帆飛影下
中流載得古今多少恨都付沙鷗

張

寧

字靜之海鹽人景泰五年進士官禮科給事中有方洲集四十卷詞附

滿江紅

題碧梧翠竹送李陽春

一曲清商人別後故園幾度想翠竹碧梧風采舊遊何
處三徑西風秋共老滿庭疎雨春都過看蒼苔白石易
黃昏愁無數 嶼山畔淇泉路空回首佳期誤歎舞鸞

鳴鳳歸來遲暮冷淡還如西礪草淒迷番作江東樹且留他素管候水絲重相和

湯允勳

字公讓鳳陽人東甌襄武王曾孫歷官延綏參將有東谷集

浣溪沙

燕壘雛空日正長一川殘雨映斜陽鷓鴣晒翅滿魚梁
榴葉擁花當北戶竹根抽笋出東牆小庭孤坐嬾衣裳

李東陽

字賓之茶陵人天順八年進士歷官吏部尚書華蓋殿大學士謚文正有懷麓堂集

雨中花

題詞

正愛月來雲破那更柳眠花卧簾幙風微秋千人靜酒
明詞綜卷二

六

盡春無那迢遞高樓孤寂坐縹渺笛聲飛墮恨曲短
宵長院深牆迥憑仗風吹過

姚

綬字公綬嘉善人天順八年進士官監察御史有穀菴集

玉樓春

春日

東風寒悄人何處百里幽閑猶未遇看春不覺又清明
檻外梨花開幾樹相思心逐東流去老天肯把韶光
駐陌頭楊柳正青青莫教容易飛花絮

沈

周字啟南長洲人舉賢良不赴工詩画有石田集八卷

鷓鴣天

柳

慣得輕柔綺陌中幾枝斜映驛亭紅微煙啅雀金猶嬾

細雨藏鴉綠未濃 攀傍岸折隨風管人離別思無窮

開花更是無聊賴 一片西飛一片東

桑悅

字氏憚常熟人成化元年舉人官柳州通判有思元集十六卷

虞美人

春曉憶長沙作

細雨梨花春夢破 梁燕將愁訴薄陰 小閣日曛曛 寶篆

輕烟一縷裊東風 星沙舊占遊歌處 清景難留住 王

孫芳草最多情 萬里和煙隨我到邊城

吳寬

字原博長洲人成化八年賜進士第一人翰林照官禮部尚書卒贈太子太保謚文定有

匏菴集

着舊續聞吳匏菴詞有繁花落盡留紅藥新筍叢生帶綠苔名句也時有趙寬字栗夫爲

明詞綜卷二

七

匏菴所取士詞名李江集匏菴嘗曰不遇吳寬爭得趙寬

採桑子

織雲盡卷天如水 蘆荻風殘 松竹霜寒 更看前溪月滿

山 畫舫紅映金尊 酒子夜歌 闌緩吹輕 彈得意人生

且盡歡

王

字濟之吳縣人成化十一年進士歷官戶部尚書武英殿大學士謚文恪有文恪公集三

十六卷 詞附

阮郎歸

行年六十鬢爛爛 皇恩特放還高堂 設席對青山 秋來

正未閒 陰忽霽 暑初殘 笙歌夜未闌 傍人莫笑老嗤

頑人生到此難

吳

洪字禹疇吳江人咸化十一年進士歷官刑部尚書

早梅芳

柳將眠桃欲笑又是清明到玉河水泮無數金魚弄池
藻聯車油壁軟並馬絲鞭裊喜鳳城麗景游覽趁春曉
望瀛洲紛翠葆花滿瓊華島玉竦西去金碧觚稜聳
雲表散衙常過午下直須歸早更相期提壺同藉帥

趙

寬字栗夫吳江人咸化十七年進士歷官刑部郎中出為廣東按察使有半江集

減字木蘭花

姚江阻雨

寒風吹水微波皴作魚鱗起白雨橫秋秋色蕭條動客

明詞綜卷二

八

舟 疎鐘何處知在前村黃葉樹茅屋誰家荒徑無人

菊自花

楊循吉

字君謙吳縣人咸化二十年進士官禮部主事有南峯逸藁

洞仙歌

題酒家壁

吳郊春滿綠艸熏南陌風弄輕帘小橋側瞰荒垣濃麗
幾樹天桃彷彿似薄醉西施顏色 醞香飄十里更着

流鶯亂擲金梭向林織天宇淨繁芳日暖蜂遊早攔住

高陽狂客便典却羅衫又何妨算容易飛花韶光難得

費

宏

字子充鉅山人咸化二十三年賜進士第一歷官華蓋殿大學士卒贈太保諡文憲有費

文憲公集七卷

霜月高懸碧漢畫船自泛寒江銀鐙獨對夜何長窗外
浮光蕩漾 可怪麴生疎濶閒來冷落瓊觴思量無計
助清狂且與青編相向

蔣冕 字敬之全州人成化二十三年進士歷官戶部尚書謹身殿大學士卒贈少師謚文定有湘臯集二

十二卷

呂調陽云湘臯樂府若碧水芙蓉不假雕飾而天巧自在

卜算子

斜日墜荒山雲黑天垂暮時見空中一雁來冷入殘蘆
去 驚起却低飛有意同誰語啄盡枝頭數點霜還向

明詞綜卷二

九

空中舉

王鴻儒 字懋學南陽人成化二十三年進士歷官南京戶部尚書謚文莊有凝齋集十一卷

踏莎行 賞菊

燕子初歸芙蓉乍老蒼苔院落桐陰小一簾疎雨晚來
晴繁香不斷寒花裊 著譜人非餐英事杳風流未必
今時少且須痛飲讀離騷靈修豈肯捐芳草

轉應曲

金井金井梧葉銀床露冷千門萬戶砧聲北斗城頭月
明明月明月偏照旅人華髮

夏鍤 字德樹天台人成化二十三年進士歷官大理評事

阮郎歸

賭酒明湖未放船時節欲開蓮壁後茶鎗幾點烟聽雨
小窗眠雲解凍水平田蛙聲又一年晚晴花草落愁
邊呼童問酒錢

臨江仙

榴葉竹屏閒處好香街雨夢無緣聽人說著指瓊鞭玉
樓嗔短舞書枕愜高眠幾夜晚眠還早起城中一半
風烟畫橋架水綠陰連柳眉傷老大鶯口弄清圓

史

鑑字明古吳江人有
西村集入卷詞附

浣溪沙

夏夕賞蓮

明詞綜卷二

十

水面風來晚更宜酒香荷氣水沉微誰家長笛倚樓吹
衣
五月梅花今夜落千門梧葉未秋飛不知零露濕人

又

曲水流通濯錦紅新門移轉納香風畫舟時傍彩雲中
東
半夜月明歌楚調雙蓮波冷泣吳宮鴛鴦驚散各西

望江南

閩尙溫招飲湖中

船櫂處恰是藕花洲別處歌聲剛得借去時春色那堪
留花落水空流天漸晚歸去更回頭山翠遠如眉黛

曉湖光疑似眼波秋越女不勝愁

臨江仙

贈余浩

秋水芙蓉江上飲憐渠無限風流紅牙低按小梁州澹
雲拖急雨依約見江樓 最是采蓮人似玉相逢並著
蓮舟唱歌歸去水悠悠清砧孤館夜明月太湖秋

解連環

送別

銷魂時候正落花成陣可人分手縱臨別重訂佳期恐
軟語無憑盛歡難又雨外春山會人意與眉交皺望行
舟漸隱恨殺當年手栽楊柳 別離事人生常有底何
須爲著成个消瘦但若是兩情長便海角天涯等是相

明詞綜卷二

七

守湖水西流肯寄我鯉魚雙否倘明年來遊燈市爲儂
沽酒

張

旭 字廷暉休寧人成化二
十年舉人有梅嶼小稿

點絳脣

卜盡金錢閑愁暗逐遊思起雲鬆螺髻眉減春山翠
試捲珠簾風香生袂涼如水惜花心碎忍把闌干倚

祝允明

字希哲長洲人宏治五年舉人官
應天府通判有懷里堂集三十卷

蝶戀花

贈妓

開蝶窺春花性淺未了粧梳小顰脣朱點玉絮吹寒飛
力軟深深繡戶珠簾掩 廝放臨時仍泥戀一把風情

錯認徐娘滅略綽暈香紅半片闌干回首東風遠

李夢陽

字獻吉慶陽人徙大梁宏治六年進士官江西提學副使

如夢令

昨夜洞房春暖燭盡琵琶聲緩閒步倚闌干人在天涯
近遠影轉影轉月壓海棠枝軟

顧

潛字孔崑山人宏治九年進士官御史有靜觀堂集十三卷詞附

醉春風

紫燕歸來兩雲蹤無處訪桃花開後海棠開想想落落
日城邊斷霞樓角綠波蘭棹錦瑟縈塵網香篆消羅
幌更闌酒醒夢難成響響芳樹敲風空塔滴雨倍添

明詞綜卷二

十一

愁悵

洞仙歌

自壽

婁江一碧動鱸魚佳興浩蕩鷗波放烟艇過溪橋十里
香稻垂花秋未晚渚芙蓉萬柄野翁能愛我酌酒
烹雞何處漁歌更堪聽醉起試推蓬驟雨初收斜陽外
山光雲影願百歲逍遙讓西東任華髮星星換來青鏡

憶秦娥

眉山感多愁慵整搔頭玉搔頭玉覷他雙鳳暗憐孤獨
闔閭城外春波綠蘭舟載酒歡難續歡難續郎歸何

日金錢偷卜

朱

諫字君佐永嘉人宏治九年進士官吉安府知府

梁州令

謝公嶺

着屐登山客，歷盡雲霞天。屐屐痕猶在白雲中，峰迴路轉千古無人識。春來秋去成塵跡，一代風流歇斜陽影，落溪外長松幾樹連天碧。

王九思

字敬夫鄆縣人宏治九年進士官吏部郎中有漢坡集續集十九卷

蝶戀花

夏日

門外長槐窗外竹，槐竹陰森，遶屋重重綠。人在綠陰深處宿，午風枕簟涼如沐。樹底轆轤聲斷續，短夢驚回石鼎茶方熟。笑對碧山歌一曲，紅塵不到人間屋。

明詞綜卷二

七

邊

貢字廷賓歷城人宏治九年進士歷官南京戶部尚書有華泉集八卷

踏莎行

露濕春莎草，生芳甸。漁舟遙邏依山轉，斜陽明滅照村墟。綠槐深護幽人院。小柵鳴雞，古梁巢燕，柴門不鎖蓬蒿徧。問渠莫是武陵源，一溪流，水桃花亂。

蝶戀花

留別吳白樓

亭外潮生人欲去，爲怕秋聲不近芭蕉樹。芳草碧雲凝望處，何時重話巴山雨。三板輕船頻喚渡，秋水疎楊欲折絲千縷。白雁橫天江館暮，醉中愁見吳山路。

顧

璘字華玉吳縣人宏治九年進士歷官湖廣巡撫加刑部尚書有憑几集浮湘藁息園集

摸魚兒 十二月十四日自衡入木

遠山低半留殘雪望中清景殊絕寒雲漸逐西風散村
落午烟搖曳行路客被簿領沉迷又度隆寒節陽回歲
歇是何日春來早梅花萼看透幾分白憶江左多少
關河分隔異鄉空望明月衡陽飛雁都回矣欲寄音書
那得情似結更斷酒拋詩幽恨憑誰說髯霜鬢雪拚老
去年華禾畦麥壟覓取舊生業

東風臨江仙

雨中東潭子羽

抱病登樓無意緒滿城寒雨濛濛一樽何日與君同卷

明詞綜卷二

十四

簾芳艸碧呼酒夕陽紅 堪恨賞心都不偶依然枉却
東風扁舟歸興莫匆匆江梅花自落別有海棠叢

唐

寅

字子畏吳縣人宏治十一年南京鄉試第一坐事破斥有六如詞一卷

一翦梅

雨打梨花深閉門忘了青春誤了青春賞心樂事共誰
論花下銷魂月下銷魂 愁聚眉峰盡日顰千點啼痕
萬點啼痕曉看天色暮看雲行也思君坐也思君

周

用

字行之吳江人宏治十五年進士歷官史部尚書謚恭肅有白川集十六卷

詠衷情

人間何處有丹丘曾到太湖頭日高主人猶卧花影滿

重樓 尋畫史接詩流老滄洲一 村烟樹數家茅屋幾
箇漁舟

滿路花

風前滿地花雨後連天艸今年三月裏春歸早低雲薄
霧猶自憐清曉金尊須臾到無奈離愁爲他轉傷懷抱
繡簾斜捲晝靜聞啼鳥韶華剛九十勾銷了綠波無
賴點點青荷小寄語春知道桃李多情莫教惜春人老

陳 霆

字聲伯德清人宏治十五年進士官
山西提學僉事有水南藁十九卷

踏莎行

晚景

流水孤村荒城古道槎牙老木烏鳶噪夕陽倒影射疎

明詞綜卷二

五

林江邊一帶芙蓉老 風暝寒烟天低衰艸登樓望極
羣峰小欲將歸信問行人青山盡處行人少

清平樂

遊西湖用王介甫韻

香車隘佳笑揭紅蓮語淺蹴芳塵羅襪汗堤上未乾花
雨 畫船載得琵琶醉中情思無涯不管湖烟湖水東

風取次飛花

王廷相

字子衡儀封人宏治十五年進士歷官兵
部尙書加太子太保謚肅敏有家藏集

桂枝香

朝霞飛散正微借清霜林外烘染搖落年華宋玉又生
幽怨小樓悄悄闌干倚最浮雲不堪情戀玉書難寄海

天空闊夢迷人遠
歎雙鬢年來較短算病旅中秋不

禁登翫只見青山誰見古時人
面鄉心渺渺隨流水更

不待商歌魂斷新愁頓起半
牕暝雨一聲歸雁

韓邦奇 四首

丁奉 一首

吳山 一首

楊慎 十一首

齊之鸞 一首

雍 一首

張縉 一首

林華 一首

李濂 一首

崔桐 一首

趙金 一首

夏言 三首

明詞綜卷二 明六首

陳鐸 一首

青浦王昶纂

陸深一首

王韋一首

韓邦奇四首

丁奉一首

吳山一首

楊慎十一首

齊之鸞一首

盧雍一首

張縉二首

桂華一首

李濂一首

崔桐一首

趙金一首

夏言三首

文徵明六首

陳鐸二首

明詞綜卷三

謝承舉一首

陸楫一首

徐階一首

盧襄一首

陸瑯一首

楊儀一首

呂希周一首

王慎中一首

吳子孝四首

陳如綸三首

薛廷寵一首

閔如霖一首

駱文盛一首

許穀一首

蔡宗堯一首

陸

深

字子淵上海人宏治十八年進士歷官詹事府詹事贈禮部侍郎諡文裕有河汾燕閒錄

與玉堂漫筆等集

風入松

綠窗午枕睡初酣
夢喜脫朝簪
覺來猶是長安客
垂楊裏空繫歸驂
戀主心依曉闕
思親淚濕春衫
玉河流
水碧于藍
花外燕呢喃
新詞譜就憑誰和
重封罷親自
題緘欲待天邊鴻雁
秋風寄與江南

王

韋

字欽佩上元人宏治十
八年進士官太僕少卿

玉漏遲

元宵奉陳靜齋憲長

今宵春正好
卷簾無那客中情緒
連日眉梢
斲放片時
還聚薄宦辭家
幾許歎骨肉水萍
風絮畱不住
紛紛客
淚兩行如澍
緬想此日家園
正兒女團樂
燒燈時序

明詞綜卷三

二

明月依人空照一樽清醕
深謝東君
慟我喜投贈玉堂
佳句高唱處
乳鴉亂翻庭樹

韓邦奇

字汝節朝邑人正德三年進士歷官南京兵部尚書論恭簡有苑洛集二十二卷詞附

西江月

春思

殘雪已消往事東風又報春
愁珠簾不捲玉香鉤
庭院遲遲清晝
細雨繁花上院
輕烟碧草汀洲
一聲啼鳥
水東流
春在小橋楊柳

臨江仙

三月三十日

芍藥牡丹開已罷
明朝不是春光
鶯兒撩亂送斜陽
繁華應不盡
蜂蝶且休忙
幾架薔薇依碧檻
新荷更滿

芳塘水晶簾外細飄香推枰聽玉樹移座倒金觴

謁金門

珠簾捲樓外春愁無限雨過茶蘼春色減落紅驚滿院

枝上燕慵鶯懶誰與韶光為伴煙柳絲絲迷望眼闌

十空倚偏

風入松

畫樓簾捲篆烟微煖雨霏雲山極目家千里問天涯

何日歸期寂寞庾愁似海飄蕭潘鬢成絲鶯兒壓折

海棠枝飛上薔薇深紅淺綠應無數逐東風滿院芬菲

最是惜花心切只憂花落春歸

明詞綜卷三

丁

奉

字獻之常熟人正德三年進士官吏部驗封司郎中有南湖畱稿八卷

眼兒媚

過華湖

蘆葦蕭蕭奏輕颺烟雨隔南洲小航冒冷孤帆披濕

路吟謳閒人儼似天隨子幽興五湖秋相知只在渡

頭漁叟沙嘴眠鷗

吳

山

字靜之吳江人正德三年進士歷官河南四川巡撫入為刑部尚書諡忠襄

清平樂

秋光如許雁字排空去十二闌干凝眺處簾捲西山暮

雨白沙翠竹柴門落霞孤鶩江村況是亭皋葉下蕭

蕭最愴吟魂

楊慎

字用修新都人正德六年賜進士第一授修撰嘉靖甲申兩上議大禮疏廷杖謫戍雲南

永昌衛卒于戍所有升庵詞二卷

樂府紀聞用修所著書百餘種號為博洽金華胡應麟嫌其熟于稗史不燭于正史作筆叢以駁之然揚所輯百非真珠詞林萬選王翁州亦謂之詞家功臣也因議禮謫戍永昌暇時紅粉傳面作雙丫髻插花令諸妓扶鵲遊行了不為愧詩有羅衣香未歇猶是漢宮恩句詞亦華美流利

轉應曲

雙燕雙燕金屋往來長見珠簾半捲風斜何處銜來落花花落花落日暮長門寂寞

又

明詞綜卷三

四

促織促織聲近銀牀轉急熏殘百合衣香消息蘭膏夜長長夜長夜露冷芙蓉花謝

又

銀燭銀燭錦帳羅幃影獨離人無語消魂細雨斜風掩門門掩門掩數盡寒城漏點

烏夜啼 梅雨

雨來江漲波渾沒沙痕淹過竹橋莎徑到柴門孤烟起千樹裏幾家郵牛背一聲長笛報黃昏

昭君怨

樓外東風到早染得柳條黃了低拂玉闌干怯春寒

正是困人時候午睡濃於中酒好夢是誰驚一聲鶯
少年遊

紅稠綠暗徧天涯春色在誰家花謝人稀柳濃鶯懶烟
景屬蜂衙日長睡起無情思簾外夕陽斜帶眼頻移
琴心慵理多病負年華

浪淘沙

春夢似楊花繞遍天涯黃鸝啼過綠窗紗驚散香雲飛
不去篆縷烟斜油壁小香車水渺雲除青樓珠箔那
人家舊日羅巾今日淚濕盡韶華

江月晃重山

明詞綜卷三

五

臘尾金杯灑灑春頭綵勝翩翩裁紅暈碧動嫣然風日
好偷眼豔陽天一曲玉簫明月幾絃錦瑟華年故鄉
迢遞水雲連歸未得思發在花前

雨中花

一搦纖腰清瘦六幅輕紗紅皺粉熟香生態濃粧淺正
是愁時候蕭蕭風雨黃昏後雲濕仙衣寒透簾悄窗
閒燈昏酒冷聽盡蓮花漏

滿江紅

梨花

露重風香韶華淺玉林無葉誰剪碎遍地瓊瑤滿園蝴
蝶嬌淚一枝春帶雨粉英千片光凝雪伴鞦韆影裏月

明中傷離別 花在手腸如結人對酒情難說憶故園
遊賞清明時節今日相逢滇海上驚看爛熳開正月更
收燈庭院峭寒天啼鴉歇

水調歌頭

春宵微雨後香逕牡丹時雕闌十二金刀誰剪兩三枝
六曲翠屏深掩一架銀箏緩送且醉碧霞卮輕寒香霧
重酒暈上來遲 席上歡天涯恨雨中姿向人如訴飄
泊粉淚半低垂九十春光堪惜萬種心情難寫彩筆寄
相思曉看紅濕處千里夢佳期

齊之鸞

字瑞卿桐城人正德六年進士官河南按察使

明詞綜卷三

六

小重山

清角悲笳響過雲平催涼月上白紛紛塞垣砧杵小城
聞心鐵石誰解歎離羣 銀燭水沈熏引杯嫌獨醉但
微醺參辰何事各天分彈鋏起台斗氣氤氳人

盧雍

字師邵吳縣人正德六年進士官監察御史有古園集

蝶戀花

徐州晚泊

野樹煙生斜日墜千里帆檣又向黃昏過自據胡牀船
上坐東山月出浮雲破 細細波流聲繞舵風葦蕭蕭
兩岸明漁火吹罷洞庭歌楚些坡仙恍惚相逢我

張

字世文高郵人正德八年舉人官武昌通判遷知光州有詩餘圖譜並南湖集四卷

古今詞話雜揚張世文著詩餘圖譜絕不以
嘯餘譜辨詞體之舛錯而爲之規矩真填詞
家功臣也其所製蝶戀花風流子數闕風流
蘿藉更足振起一時

蝶戀花

紫燕雙飛深院靜簾枕紗廚睡起嬌如病一綫碧烟縈
藻井小鬟茶進龍香餅拂拭菱花看寶鏡玉指纖纖
撚唾撩雲鬢閒折海榴過翠徑雪貓戲撲風花影

風流子

新陽上簾幌東風轉又是一年華正駝褐寒侵燕釵春
晷句翻詞客簪鬪宮娃堪娛處林鶯啼煖樹渚鴨睡晴
沙繡閣輕煙剪燈時候青旌殘雪賣酒人家此時因
重省瑤臺畔曾遇翠蓋香車惆悵塵緣猶在密約還賒
念鱗鴻不見誰傳芳信瀟湘人遠空採蘋花無柰疎梅

風景碧草天涯

桂華

字子樸安仁人正德
八年舉人有古山集

菩薩蠻

答何用明

帝城三月鶯花繞笙歌沸徹千家曉半壁夕陽明醉眠
人未醒城頭鳴畫角驚起南飛鵠回首上林枝行人
腸斷時

李濂

字川父祥符人正德九年進士
官山西按察使僉事有嵩渚集

柳梢青

修武道中

爛漫春遊人生行樂山水夷猶昨夜河陽今朝修武明日懷州平生雅興難酬信轡去東風紫騮問酒花村題詩松寺飛夢蓬邱

崔

桐字來鳳海門人正德十二年進士歷官南京禮部右侍郎有東洲集

風入松

開於

亭臺簾幙鎖重重韶景又東風竹牀習懶閉春夢喚鶯聲醒眼猶慵短髮烏巾斜裹尋幽日傍花叢碧流橋外小桃紅徙倚畫欄東銀鱗玉笋新來美好情懷盡付杯中莫笑海翁醉也醉時百感成空

趙金

字淮獻烏程人布衣正德中詔徵不赴有浮休集

明詞綜卷三

八

謁金門

湖天渺一片水雲沙鳥俯景茫茫空懊惱孤吟秋色老自愛琅玕芝草茅屋碧山環繞高臥長松心盡了年來機事少

夏言

字公謹貴溪人正德十二年進士歷官吏部尚書華蓋殿大學士謚文愍有桂洲近體樂府六卷鷗園

新曲一卷

湧潭小品夏言以議禮驟貴世廟因正月降雪命言等作時玉賦石塘曾銑夏之內戚作漁家傲詞互相賡唱遂起河套之議故黃泰泉有千不買陳平計蓋譏之也戴苑厄言我朝以詞名家者伯溫穰穰有致去宋尚隔一塵用修好入六朝麗事似近而遠公謹最號雄爽比之稼軒覺少精思錢氏云公謹喜爲長短句嘗其得君專政聲勢固於長篇

小令草藁未削已流布都下互相傳唱後未百年黯然無聞花間草堂之集無有及桂洲氏名者求如前代所謂曲子相公亦不可得可一慨也

鶴沖天 初夏

臨水閣倚風軒細雨熟梅天一池新水碧荷圓榴花紅
欲燃 薄羅裳輕紈扇睡起綠陰滿院曲闌斜轉正閒
凭何處玉簫聲

阮郎歸

小樓臨苑對青山朱門草色閑隔花時有珮珊珊鞦韆
楊柳閒 新綠暗亂紅殘慵粧低翠鬟日長春困減芳
顏無人獨倚闌

明詞綜卷三

九

浣溪沙 春暮

庭院沈沈白日斜綠陰滿地又飛花岑岑春夢繞天涯
簾幕受風低乳燕池塘過雨急鳴蛙酒醒明月照牕

紗

文徵明

初名璧以字行更字徵仲長洲人以歲貢入京授待詔有莆田集

太平清話衡山極熟勝國遺事能口述其故實里居性介潔太宰喬白巖司空林見素爲延譽於朝授翰林待詔卽乞歸往來姚山遞浦小詞散布隸書尤工

卜算子

酒醒夜堂涼雨過湘簾捲時見流螢度短牆乍近依然
遠 欲睡更遲徊徙倚闌干徧不覺西樓闕月斜寂寞

桐陰轉

南鄉子

香暖透春肌。滿眼新嬌睡起遲。燕子不來三月盡，依依手撚殘花玉一枝。風裊鬢雲垂，無限閒愁隱翠睂。好夢不成春自去，相思只有青團扇子知。

風入松

近來無奈病淹留。十日廢梳頭。避風簾幙，何曾捲，儻然處古鼎香浮。興至閒書棊几，困來時覆茶甌。新涼如水。箏紋流六月，類清秋。手拋團扇，拈書冊，無情緒。欲展還休，最是詩成酒醒，月明時度南樓。

明詞綜卷三

又 簡湯子重湯居碧鳳坊

十

西齋睡起雨濛濛。雙燕語簾櫳。平生行樂都成夢，難忘處碧鳳坊中。酒散風生，棋局詩成，月在梧桐。近來多病不相逢。高興若爲同。清樽白苧交新夏，應辜負綠樹陰濃。憑仗柴門，莫掩興來，擬扣牆東。

又 行春橋望月

夜涼斜倚赤闌橋。天遠碧烟消。酒醒忽見花閒影，輕雲散月在林梢。野火青山隱隱，漁歌綠水迢迢。當年曾此醉清宵。共艤木蘭橈。白頭重蹋行春路，同遊伴半已難招。夜靜單衫露冷，玉人何處吹簫。

滿江紅

漠漠輕陰正梅子弄黃時節最惱是欲晴還雨乍寒又
熱燕子梨花都過也小樓無那傷春別傍闌干欲語更
沈吟終難說 一點點楊花雪一片片榆錢莢漸西垣
日隱晚涼清絕池面盈盈清淺水柳梢淡淡黃昏月是
何人吹徹玉參差情淒切

陳

鐸字大聲下邳人徙南京官指揮使

錢氏云大聲以樂府名于世所為散套穩協流麗被之管弦能審宮節羽不差毫末

浣溪沙

波映橫塘柳映橋冷烟疎雨暗亭臯春城風景勝江郊

明詞綜卷三

十一

花蘂暗隨蜂作蜜溪雲還伴鶴歸巢草堂新竹兩三

梢

謝承舉

字子象元人

卜算子

題凭几圖

病影有燈知心事無人問上苑春光過二分應少同遊
分畫障且相隈曲几聊孤隱窗外紅梅開已齊似識

香閨悶

陸

楫字思豫上海人

望海潮

送顧淑玉入雍

江帆飛雨汀莎沒雁玉人方上皇州酒泛霞觴潮生煙

浦那堪淚灑蘋洲雲樹兩悠悠蓬窗迷岸草一任夷猶
羨爾詞源倒傾三峽楚天秋 清時官臥林邱看詩題
杏苑名徹宸旒朔月關心燕風撲面誰云悔覓封侯壯
志奮吳鉤故園芳草合魚鳥含愁何日京塵夜酤清醕
瀉牀頭

徐

階

字子升由青浦徙居華亭嘉靖二年進士歷
官吏部尙書建極殿大學士諡文貞有世經

堂集二

十六卷

阮郎歸

一春歸思羨冥鴻青山在眼中無端秋色又丹楓滄洲
路未通 搔白首望長空徘徊意萬重持杯看爾去匆

明詞綜卷三

士

勿心隨江水東

盧

巽

字師陳吳縣人嘉靖二年進士
官兵部郎中有五橋山房稿

蝶戀花

徐州晚泊用師邵韻

城上危樓驚欲墮北樾南橋日日城邊過猶記昔年樓
上坐樓前景物多題破 今日長年催振舵萬井蕭條
落日稀烟火坡老不歸招楚些雲山隔水如畱我

陸

邶字秀卿嘉善人嘉靖五
年進士歷官河南巡撫

臨江仙

病後衣裳慵對客鏡中雙鬢髮髮青山何處著茅庵向
來經濟意都只是空談 世事悠悠那復論三杯且放

微酣小窗過午睡還貪無端春夢繞猶自在江南

楊

儀

字夢羽常熟人嘉靖五年進士官山東按察使

惜分飛

和陳震棲韻

月戶花堦凡幾度盡把芳尊囑付轉眼濃華故鸞膠總
被秦娘誤 榆莢楊花曾入賦也解漫天飛舞夢覺西
堂午琵琶聲斷聞鸚鵡

桃源憶故人

訪周汝寺

單衣曉怯東風冷忽過湖波千頃山色倒侵溪影一路
隨孤艇 美人室遠飛雲迥遙憶小堂春永睡起碧紗
人靜隔竹敲新茗

明詞綜卷三

三

呂希周

字師旦崇德人嘉靖五年進士官通政司使

重疊金

惜別

粉痕未褪梅粧雪驟鸞忽度梨花月燈影小紅樓角聲
起暮愁 孤篷憐倦客繡被餘香歇料倚枕鴛單屏風

六曲山

王慎中

字道思晉江人嘉靖五年進士官河南參政

點絳脣

光澤寺

門掩青山空庭竹影門長埽一溪斜繞水氣香花草

木石幽殊禽鳥傳昏曉誰知道白雲鎖了恰有人尋到

吳子孝

字純叔長洲人嘉靖八年進士官湖南參議有明珠集詞一卷

點絳脣 二月八日夜汎射瀆歸作

花信風輕爲花日日芳遊早曲溪繚繞歸棹情多少
月映清波良夜春寒悄長空皎歌聲縹緲醉裏愁如掃
訴衷情 嘉靖癸丑甲寅東南倭亂

韶光都過亂離中登眺覺心慵青山城外望斷愁絕黛
痕濃 閒把酒倚樓東小梅紅館娃烟草香徑風蘭長
記遊踪

清平樂

韶光易變京露霏如霰翠卷香消憔悴遍一夜池塘秋
晚 蘆枯葦折波中鳧棲雁宿芳叢盡日倚闌如畫白

明詞綜卷三

十四

蘋紅蓼西風

風流子 登虎邱致爽閣

雨痕消已盡長空靜皎日映江流看寒草都腓衰林漸
薄翠荷遍沼黃橘連洲新晴好抱琴遵竹浦載鶴共松
舟近市炊煙隔林樵唱蒼茫望遠窈窕尋幽 晚來還
著屐窮巖壑更上絕頂飛樓何事西來爽氣偏對吟眸
指青巒萬疊澄川百道遶闌分列似畫難收方信三吳
佳景盡屬清秋

佳景盡屬清秋

陳如綸

字德宣太倉人嘉靖十一年進士官
福建布政使參議有二餘詞一卷

小重山 題東川

綠漲粼粼接碧空，可人魚鳥境。著閒翁蓬萊，只在海山東。
烟霞迥杖履，任從容。無分學屠龍，有時移短棹。泛春風，歸來篷底，夕陽紅。同酒伴爛醉水雲中。

眼兒嬌 荅銘泉春懷

羅袖輕盈怯風寒，飛夢到長干。蜂慵蝶倦，紅稀綠暗，春色將殘。
三月家書猶未見，錦瑟幾拋閒。相思無奈千重烟樹萬疊雲山。

踏莎行 荅賈竹亭春行

楊柳溪橋桃花野渡，十年車馬同游處。聯詩曾對月華明，傷心祇見春光暮。
迢遞雙魚浮沈尺素，相思輾轉愁無數。東風聽徹子規啼，聲聲訴盡空歸去。

明詞綜卷三

十五

薛廷寵

字萃軒，福清人。嘉靖十一年進士，官工科給事中。出使朝鮮，與華察及蘇世讓成世昌等倡和有皇。

華集四卷

蝶戀花 殘春風雨

綠楊枝上黃鸝小，長路關情花鳥。三春了，雲水迢迢，鄉夢杳。天桃穠李空開笑。
江笛一聲天正曉，雨色愁人征騎，恨多少。紫苻風牽羅帶，繞晚來頓覺輕寒峭。

閔如霖

字思望，烏程人。嘉靖十一年進士，歷官南京禮部尚書，卒贈太子少保。

臨江仙

萬里碧天清似洗，洗銀河珠斗迴杓。秋千院落月兒高，柳

陰牆外轉花氣戶邊飄 春色惱人應不寢何人更品

鸞簫靈雞未唱夜迢迢玉階清露濕金鼎碧烟銷

駱文盛

字質甫武進人嘉靖十四年進士官編修

南鄉子

夏日遊竹隱寺

古寺隱叢篁石徑透迤碧蘚荒夾道松枝低拂憶蒼涼
清露沾衣濕不妨 緩步上迴廊老衲相邀入竹房旋
汲山泉供茗椀悠颺風送閒雲下石牀

許

字仲胎上元人嘉靖十四年進士官南尚寶卿有歸田橐

風入松

癸亥端午

薰風吹滿舊都城斜日映鍾陵佳辰恰喜收殘雨正楸

明詞綜卷三

十一

花照眼烘晴閉戶恐辜令節開尊獨坐閑庭 一年春
夏等閑更冷煖不須驚瓜棚豆架空尋遍笑王郎好夢
難成弔屈添來餘恨江邊鳴咽潮聲

蔡宗堯

自號東郭子天台人嘉靖十六年舉人官松溪縣教諭有龜陵詞一卷

點絳脣

寒雨溪橋卷簾半醉春風好早鶯來了疎影梅花老
吟破狂愁燕落江天渺山城小馬蹄多少露濕王孫草

明詞綜卷四

青浦王昶纂

陳鏐一首

萬士和一首

李攀龍一首

周思兼一首

文彭一首

王世貞八首

孫樓一首

王好問二首

趙大佑一首

邵圭潔一首

鄔仁卿一首

吳邦楨一首

于未一首

王世懋一首

王錫爵一首

張鳳翼一首

明詞綜卷四

高濂二首

徐渭一首

陳淳一首

彭年一首

林章一首

夏樹芳一首

支大綸一首

趙南星一首

屠隆一首

馮琦一首

湯顯祖二首

袁黃一首

焦竑二首

陳繼儒三首

王肯堂一首

儲昌祚一首

卓發之一首

賀彥發一首

楊繼禮一首

陳

鏜 字子兼吳縣人嘉靖十八年進士官四川右布政有已寬堂集

風中柳 湖上

萬頃平湖勝在吳山高處兩峯閒
蘆汀鷗渚隨波蕩漾
見漁舟無數雲帆外幾邨煙樹
茶磨郊臺千古浮雲
去住越溪中五湖東注橋邊楊柳已條條金縷且畱連
莫教春去

萬士和

字思節宜興人嘉靖二十年進士歷官禮部侍郎謚文恭有貴行集

臨江仙

同楊魏村少叅登桐君山

睡裏釣臺相失尋仙且上桐山亂峰環合碧波寒笑攜
黃鶴伴來坐白雲間
二十年前遊處好趨庭猶憶紅

明詞綜卷四

二

顏而今狼籍鬢垂斑西風衰草外長嘯下松關

李攀龍

字子鱗歷城人嘉靖二十三年進士歷官河南按察使有滄溟集

長相思

秋風清秋月明葉葉梧桐檻外聲
難教歸夢成
砌蛩鳴樹鳥驚塞雁行行天際橫
偏傷旅客情

周思兼

字叔夜江南華亭人嘉靖二十六年進士官工部員外出爲廣西提學副使

王元美云叔夜小詞咸嫵媚蕭疎令人自親

浣溪沙

天上青鸞月下逢玉窗斜掩影重重
吹簫人在畫樓中
問道綠陰今幾許兩竿長日舞春風
瀟湘秋色總無

窮

文

彭

字壽承長洲人官國子監博士

漁父詞

余有別業在笠澤之上常課耕於此偶閱黃太史漁父詞喜而繼作

吳淞江上是儂家每到秋來愛荻花眠未足日先斜
笑船頭看落霞

又

夜深結網一燈紅吹笛鄰舟攪睡濃雲夜月雨晴風都
在漁家爛醉中

王世貞

字元美太倉人嘉靖二十六年進士歷官刑部尚書有弇州四部稿

堯山堂外紀弇州少讀書駱行簡奇之曰他日必以文章名世汪伯玉云詩如孫武韓信

明詞綜卷四

三

用兵官贖市人無不可陣詞則沾沾自喜亦出人一頭地李于鱗云惟某敢與狎主齊盟而小詞弗逮也

浣溪沙

窗外閒絲自在遊隔花山鳥弄鞦韆一庭芳草怨清幽
權把束書鈎午夢起沽邨釀撥春愁放教殘日過牆

頭

望江南

歌起處斜日半江紅柔綠篙添梅子雨淡黃衫耐藕絲
風家在五湖東

重疊金

同文

斷風依約愁砧亂砧愁約衣風斷無語對燈孤孤燈
對語無 冷香畱去影影去畱香冷思後夢來期期來
夢後思

虞美人

摩訶池上金絲柳慣愛纖纖手折來將表片時心記取
淺黃柔綠淚痕深 博山香細銀燈吐乍識黃昏雨嬌
花欲展半萼紅錯道褪殘春事罵東風

又

浮萍只待楊花去况更兼纖雨鴨頭虛染最長條醞造
離亭清淚幾時消 珊瑚翠色新豐酒解醉愁人否薄
寒攬送汝南雞偏向碧紗厨畔醒時啼

明詞綜卷四

四

漁家傲

細雨輕煙裝小暝重衾不耐春寒橫裊盡博山孤篆影
閒自省天涯有個人同病 十二巫峰圍畫永黃鸝可
喚梨花醒雨點芳波指不定臨晚鏡真珠簌簌胭脂冷

河滿子

卵色遙垂別浦魚鱗淺登平沙小拂東風無氣力悠揚
自在楊花輕暖輕寒天氣半村半郭人家 碧貯蓮花
露酒香分穀雨泉茶呼取自斟還自勸烏紗任汝欹斜

返照一行歸騎隔林幾點殘鴉

玉蝴蝶

記得秋娘家住臬橋西
弄疎柳藏鴉翠袖初翻金縷鈎
月暈紅牙啓朱唇含風桂子
喚殘醉微雨梨花最堪誇
玉纖親自濃點新茶
嗟呀顛風妒雨落英千片斷送
年華海角山尖不應飄向那人家
惹新愁高樓燕子賺
人淚芳草天涯况滄陽偶然江上一曲琵琶

孫

樓

字子虛常熟人嘉靖二十年舉人官湖州府推官

念奴嬌

用東坡赤壁懷古韻

紅塵深處轉愁腸
却憶江南景物變
雲開梅雨霽
一
片蒼崖翠壁竹裏鳴淙松間瀉瀑
衣袂飛珠雪流觴遞

明詞綜卷四

五

詠山中誰是奇傑
而今歸路迢遙宦途迤邐彈鋏悲
歌發去住無憑眠未穩好夢隨生
隨滅過雁牽情吟蛩
送淚聽裏堪華髮青山不負有時
還醉蘿月

王好問

字裕卿樂亭人嘉靖二十九年進士歷官南京戶部尚書有春照齋集十一卷詞附

趙符庚云西塘如秋水芙蓉寒江映月
三樂云西塘詩餘可伯仲有宋無愧作者
吳

賀聖朝

寄遠

嫋嫋西風歛暝煙
日啣山陰楊柳暗
長川水如天
一別玉京成遠夢
幾經年錦魚千里爲誰傳
思依然

點絳脣

春愁

九十春光可憐長
日空辜負別離情緒
最怕黃昏雨

倚遍樓頭望斷春歸處人無語落花飛絮又過秋千去

趙大佑

字世伏太平人嘉靖二十八年舉人官瀘州知州

菩薩蠻

畫梁雙燕春江曲翠樓掩映垂楊綠往事幾憑欄關山風露寒
綵雲無覓處回首桃源路惆悵月華明新歡舊恨并

邵圭潔

字伯如常熟人嘉靖二十八年舉人

謁金門

江草碧又見一年寒食風雨落花春可惜捲簾人獨立
十里青山咫尺兩岸綠楊如織酌酒賦詩俱未得浪

明詞綜卷四

六

將光景擲

鄔仁卿

字汝元丹徒人嘉靖三十一年舉人官湘潭縣知縣

沁園春

招隱看梅

十里江城共向東風尋到梅花想三更幽夢悄移石鏡
一枝春影扶上窗紗鐵骨峻嶒冰姿修潔可是神仙萼
綠華今宵醉且休吹玉笛只按紅牙 槎枒綺席橫斜
恨知已難逢好句賒但已攬零落金鈴莫繫不甘爭媚
錦幕休遮冷欲侵人清能絕俗肯讓狂蜂坐晚衙爭憐
惜怕角聲吹徹片片飛霞

吳邦楨

字子寧吳江人嘉靖三十二年進士官太僕寺卿

虞美人

西溪十里漁邨路猶記看梅處暗香疏影最關情更憐
雪外一枝橫雨初晴而今別去梅花久梅好應如舊
風霜媿我漸蒼顏長教老雀怨空山幾時還

于

字勵庵金壇人嘉
靖三十四年舉人

清江裂石

忽見推簾起暮鴉風逼小燈斜又被打聽雪片巡簷問
可壓梅花正開釭初試屠蘇酒舉杯誰勸強半惜年華
縱博得玉壺香暖畢竟是天涯 渾一片雲山四圍隱
隱飛鸞帶不起煙霞驢背歎行頻壚頭暫醉料醒來孤
蹤依舊塵沙正醒醉含愁猛聽征鴻嘹唳哀怨過誰家
王世懋字敬美太倉人嘉靖三十八年進
士官太常寺少卿有奉常集詞
如夢令

枝上子規猶鬧門外碧梧誰掃病起不禁秋倚盡小樓
殘照寒峭寒峭一夜白蘋天老

王錫爵

字元馭太倉人嘉靖四十一年賜進士第一
歷官吏部尚書建極殿大學士謚文肅有文
集

南歌子 遊仙詞

月色依微照雲光淺淡流捲簾同上最高樓試看海天
萬里好清秋 酌酒金螺小調笙玉指柔更深鶴背冷

颺颺勸我今朝且住莫歸休

張鳳翼

字伯起長洲人嘉靖四十二年舉人

如夢令 七夕風雨

狼籍芳筵瓜果妬煞無情風雨拆了鵲邊橋怎把佳期
畱住知否知否一夜淚痕深注

高

濂 字深甫杭州人

沈詞隱云高深甫詞獨出清裁不附會於庸俗者

西江月 題情

有恨不隨流水閒愁慣逐飛花夢魂無日不天涯醒處
孤燈殘夜 恩在難忘銷骨情含空自酸牙重重疊疊

明詞綜卷四

八

剩還他都在淋漓羅帕

風入松

濃煙稠白望中深雪色雲陰梅花剩有西泠約攜樽不
負追尋蕩日冰澌萬頃搖風玉瘦千林 寒空倚閣費
孤吟坐有知音一鳥不飛天影黑微茫山樹俱沉歌出
陽春白雪情憐遠水遙岑

徐

渭 字文清更字文長江陰人有闕編櫻桃館集

浣溪沙 鑑湖

淺碧平鋪萬頃羅越臺南去水天多幽人愛占白鷗莎
十里荷花迷水鏡一行遊女惜顏酡看誰釵子落清

波

陳淳

字道復長洲人監生

柳塘詞話王父一泉公過姚山訪白陽山人自陽贈以詩云重重烟樹鎖招提野客來尋路不迷纔過石橋塵又隔落花無數鳥爭啼作掌篋書併咏松澆溪沙以為壽王父作三臺令以答之云酒在孤斟不醉客來共想無譚薄業垂楊江岸一聲橫竹漁家今閱喪亂後而得手蹟于大覺寺僧家幸也

如夢令

吟罷小池楊柳酌盡玉壺春
水面正風來吹亂一天星
斗消瘦消瘦愁在憑闌時候

彭年

字孔嘉長洲人布衣

明詞綜卷四

九

風入松

元州畫贈素安聯床夜話圖

雨餘山閣洗炎暑
絳燭頻燒故人住
近攜琴至豈煩折簡相邀
新瓮景山斟酌小團鴻漸烹調
畫檐風動響芭蕉
梧竹翛翛石床涼
思清肌骨紈扇都拋
辨馬極談申旦聞雞起舞中宵

林章

字初文福清人萬歷元年舉人

孤鸞

為誰拋撇似海燕初分林鶯乍別
回首天涯滿目雲山愁絕
東風不憐春色把一枝楊花吹折
直恁粘烟帶雨更盈盈似雪
奈夢兒相隔恨難說
想昨夜孤衾今朝

雙頰比這青衫上有幾重啼血一聲晚鐘動了又送人
斷腸時節莫把琵琶亂撥正春江潮咽

更漏子 咏啼

春山愁秋水怨闌下兩行珠串梅子雨蓼花霜長亭十
里粧 和月說因風咽一一鶯喉燕舌怕上點枕邊聲
聲聲點點情

夏樹芳

字方卿江陰人萬歷元年舉人有消暘集

醉落魄

團冰握雪天公幻箇人孤潔最憐誤向風塵撇貌似春
花命似晚秋葉 酒邊燈下曾相洽重逢不耐匆匆別

明詞綜卷四

十

新來真箇音書絕歡似浮雲愁似半殘月

支大綸

字心易嘉善人萬歷二年進士官奉新縣知縣有華萃詞一卷

山花子

楓葉霜催暮色殘相思人在碧雲間何處瓊簫吹月下
倚闌干 夢斷雨聲雞塞遠愁移花影鳳樓寒莫恨王

孫消息斷萬重山

趙南星

字拱極高邑人萬歷二年進士歷官吏部尙書謚忠毅

水龍吟

楊花用章質甫韻

春閨忒恁愁人已看盡落紅翻墜楊花更慘連空映日
撩人情思飛過高城尋來小院從教門閉偶殢風乍定

商鞅暫住低飛燕還扶起 何處疑花亂玉幾曾堪髻
簪衣綴蘭閨人倦多愁牽夢難成易碎小玉聲喧晴天
雪下香堦無水憶遼西何處神魂蕩漾暗拋紅淚

屠

隆 字長卿鄞縣人萬歷五年進士官禮部主事有由拳集

清江裂石

西湖

淼淼重湖背郭斜永日坐蒹葭四面山青不斷樓閣外
亂水明霞有畫船錦纜載詞客金翹雜珮強半挾吳娃
水窮處長林古寺夏木綠陰遮 回首望空明白鷗隱

隱飛來帶一片輕沙把酒問西湖今來古往都不管興
亡舊恨年華且與君權扁舟聽取哀絃急筑散髮弄荷

明詞綜卷四

十一

花

馮

琦 字用輒臨朐人萬歷五年進士歷官禮部尚書謚文敏有北海集

如夢令

竹外瑤華千頃更與素梅掩映雙雀噪寒枝蹴落飛花
無影相並相並明月驚棲不定

湯顯祖

字義仍臨川人萬歷十一年進士官禮部主事有玉茗堂詞一卷

柳塘詞話義仍精思異彩見於傳奇出其餘緒以為填詞後人味其迴文必指為義仍傑作也

好事近

簾外雨絲絲淺恨輕愁碎滴玉骨近來添瘦趁相思無

力 小蟲機杼隱秋窗
黯淡煙紗落盡紅衣池面又
西風吹急

阮郎歸

不經人事意相關
牡丹亭夢殘
斷腸春色在眉彎
倩誰臨遠山
排恨疊怯衣單
花枝紅淚彈
蜀妝晴雨畫來難
高唐雲影間

袁

黃

字坤儀嘉善人萬歷十四年進士官兵部郎中

鷓鴣天

題村叟屋壁

數疊煙林散翠鬟
莫嫌此地少青山
酒逢社日添酬應
花到開時費往還
松老大竹平安
柴門雖設不曾關

明詞綜卷四

七

旁人方訝茅齋窄
鶴柵蜂房割半間

焦

竑

字弱侯上元人萬歷十七年賜進士第一官修撰有澹園集

菩薩蠻

梅花坐對天如水
月明千里人千里
莫上最高樓
長江生別愁
百年今夕會
且共罇前醉
明日又離歌
天涯奈爾何

江神子

西風吹袂弄新晴
月籠明
小梅橫席上
孤琴又作斷腸聲
人去青山衰草裏
憑誰共遶花行
強拈綵筆賦離情
憶平生
到深更
欲寫年來意思
苦難成
但把深杯留

客醉知何日笑相迎

陳繼儒

字仲醇江南華亭人有晚香堂詞二卷

柳塘詞話眉公早歲隱於九峯工書畫與董宗伯其昌善爲延譽公卿間每得眉公片楮輒作天際真人想但傳其居柰山只吟咏過日不知宏景當年松風庭院中作何生活其小詞瀟灑不作艷語

攤破浣溪沙

梓樹花香月半明
棹歌歸去草蟲鳴
曲曲柳灣茅屋矮
挂魚罾
笑指吾廬何處是
一池荷葉小橋橫
修竹紙窗燈火裏
讀書聲

又

明詞綜卷四

十三

蜂欲分衙燕補巢
陰陰落葉遍江皋
一陣窗前風雨到
打芭蕉
驚起幽人初睡午
茶烟繚繞出花梢
有箇客來琴在背
度紅橋

浪淘沙

風雨霎時晴
荷葉青青雙鬢捧
著小紅燈
報道綠紗窗
底下蕉月分明
枕簟嫩涼生
茉莉香清
蘭花新吐
百餘莖
撲得流螢飛去也
團扇多情

王肯堂

字宇泰金壇人萬曆十七年進士歷官福建布政司參政

多麗

步花陰滿園春色飄零
過橫塘曲闌斜折
崎嶇轉入荷

亭坐無聊起看畫障行還倦閒撥爐薰暗覺喧喧微窺
影亂映門一線露羅裙雙扉啓綺衣翠袖相簇度銀屏
霎時見虛窗雪豔素壁霞明細看伊蓮隨步起果然
蘭並肌芬臉盈盈疑開蛤帳腰細細堪試香塵膩髮盤
雲修眉偃月珊瑚一顆蹙朱櫻擎漿處春織如削渾是
玉雕成臨別去流波迴覩障面笑狂生

儲昌祚

字肩宇宜興人萬歷十七年進士官四川按察司僉事

清平樂

春雪

雪眠風掃飄泊知多少盼斷天涯春色杳一夜青山都
老金猊桂橐重燃烟籠修竹千竿只有梅花添恨幾

明詞綜卷四

十四

枝早落階前

卓發之

字左車仁和人

王阮亭云左車詞尙駿逸頗有宋人風味至
珂月而格調尖新語意儼側極詞家之變態
矣

菩薩蠻

落花

小玉樓前風雨急春光一霎都狼籍桃葉與桃根誰家
最斷魂尊前回首望昨夜花成浪總是雨收時月明

空滿枝

賀彥登

丹陽人

菩薩蠻

綠窗擁被鶯呼醒紅雲微皺愁難整檀炷裊薰籠羅衣
三兩重流蘇休便揭欲起愁無力楊柳小腰肢春來
瘦不支

楊繼禮

字彥履雙縣人萬曆二十
十年進士官右諭議

浪淘沙

錦席綺筵重蘭炷香濃隔簾鸚鵡喚秋風六曲闌干頹
玉處夢到巫峰金縷翠雲中寶髻輕鬆綠窗月色正
朦朧說到飛觴傳永夜怕聽飛鴻

明詞綜卷四

明詞綜卷四

七

青浦 王昶 纂

李日華 一首

查應光 一首

范鳳翼 一首

支如玉 一首

吳 兗 一首

費元祿 一首

俞 彥 二首

王 衡 二首

吳宗達 一首

雷 迅 一首

魏大中 一首

陳翼飛 一首

吳宗儒 一首

焦源溥 一首

方于魯 一首

錢士升 一首

明詞綜卷五

錢繼登 一首

劉榮嗣 一首

魏浣初 一首

阮大鍼 一首

王 坊 一首

鄭士奇 一首

張名由 二首

黃承聖 一首

莫是龍 一首

徐 燭 一首

張 璋 一首

彭紹賢 一首

吳鼎芳 二首

馬 洪 四首

施紹莘 八首

董斯張 一首

顧同應 二首

馬盛世 一首

范文光 一首

孫茂芝 一首

徐石麒 一首

王屋 一首

葉紹袁 一首

陸錫明 一首

汪膺 三首

范滂 一首

汪廷訥 一首

李日華

字君實嘉興人萬歷二十年進士官太僕寺少卿有紫桃軒雜綴

玉樓春

題柳洲待別圖送劉躍如

輕暖輕寒無意緒朝來幾陣梨花雨粧成獨自倚闌干
暗數落紅愁不語 杜宇一聲人欲去殘雲片片依沙

渚橫塘十里柳煙濃維舟正在煙深處

查應光

字賓王休寧人萬歷二十五年舉人有鹿崎軒詞一卷

明詞綜卷五

浪淘沙

二

白髮亂侵頭嬾上高樓朦朧新月曲如鈎檻外蘋風驚
乍起暑氣潛收 宿雨漲迴流喜泛輕鷗蓼花一望滿
汀洲正好開襟延賞處無限新秋

范鳳翼

字異羽通州人萬歷二十六年進士歷官光祿寺少卿有勳卿集

李日華

字阮亭云勳卿白狼者碩所著小詞曠列似半山而風味過之

減字木蘭花

邗江歸思

晴雲如絮霎時飛入銀河去露洗遙空廿四橋頭一笛
風 客窗無暑片雲芳塘清曉雨月冷邗溝夢破狼峯

絕頂秋

支如玉 字寧瑕嘉善人萬歷二十八年舉人官刑部主事有半衲庵集

酷相思

新柳月痕初墜恨春鳥催人起想盟言花片隨波逝欲
住也畱無計欲去也畱無計 印舊添新衣上淚左右
拚憔悴問九峯桃李曾開未人遠也書難寄春盡也愁
難寄

吳 充 字魯于武進人萬歷二十八年舉人

漁歌子

千頃蒹葭一釣翁家居南浦小橋東桃花水鯉魚風短
笛橫吹細雨中

明詞綜卷五

三

費元祿 字無學錫山人有秀甲集

賀新郎

瑞腦燒金鼎捲重簾庭陰正午畫堂人靜春落天涯知
何處慘地楊花飛盡印玉枕流鶯催醒梅雨紗窗寒欲
透更長年三月厭厭病愁不語嬾窺鏡 江南舊事須
重整隔花陰傳消息月娥難倩夢斷秦樓相思久芳
草佳期未準倚遍了梧桐金井蝴蝶已歸煤麝冷狂
人揉碎丁香影誰共我步香徑

俞 彥 字仲茅上元人萬歷二十九年進士歷官光祿寺少卿

花草蒙拾俞仲茅小詞云輪到相思沒處辭眉間露一絲視易安纓下眉頭又上心頭可

謂此兒善盜詞衷少卿刻意填詞工於小令持論極嚴且以刻燭賡唱爲奇不無率露語至其備審源委不趨佻險而遵雅淡獨見典型

長相思

折花枝恨花枝準
擬花開人共卮
開時人去時
怕相思
思已相思輪到相思
沒處辭眉間露一絲

鷓鴣天

瓶梅

淺渚明沙聚碧流
依然春信鎖枝頭
金徽昨夜初賡曲
羌笛何人更倚樓
朝露重
晚煙浮
幾回花下月如鈎
而今時向紗窗裏
點點寒香入夢愁

王

衡字辰玉太倉人萬歷二十九年進士官編修有綠山集

明詞綜卷五

點絳脣

送陳仲醇

濕夢沉沉芭蕉雨
響燈花卸月兒來也
人又隨潮下

最怕登高醉面秋風灑
紅堪把茱萸看罷
半刻重陽假

如夢令

蘆鴈

風起蘆花如醉
歷歷鴈行成字
一點一聲寒
霜重曉楓羣碎
知未知未
只在淺深沙際

吳宗達

字青門武進人萬歷三十二年進士官大學士謚文端

滿庭芳

蕉長青箋筍抽斑管
悶懷欲寫無多
鸞臺鳳閣心事久
蹉跎小構數篆茅屋
但傍取千頃澄波
扁舟繫酒筒茶

鼇隨意泊煙蘿 知音三兩客朝朝暮暮百徧相過判
冷吟閒醉雅詭狂歌風雨不妨閉戶凭欄處嫩蕊柔柯
君知否才情標格千載憶東坡

雷 迅

字聖肅青浦人萬歷三十四年舉人官夔州府推官

蘇幕遮

惜春

柳含絲梅破萼報道東風一夜穿簾幕春光依舊人非
昨忽訝春光不是人情薄 花前醉月下樂只恐韶華
易去難畱閣明朝雨暗胭脂落莫怨春光不管人消索

魏大中

字孔時嘉善人萬歷三十五年進士歷官吏科給事中謚忠節

臨江仙

錢唐懷古

明詞綜卷五

五

埋沒錢塘歌吹裏當年卻是皇都趙家輕擲與強胡江
山如許大不用一錢沽 只有岳王泉下血至今泛作
西湖可憐故事眼中無但供儂醉後囊句付奚奴

陳翼飛

字元朋平和人萬歷三十八年進士官宜興縣知縣有慧閣集

字字雙

成婦

長城飲馬嘶復嘶古木寒雅棲復棲空牀獨守啼復啼
從軍蕩子西復西

吳宗儒

字次魯休寧人自巢雲軒集

如夢令

春暮別張允升

花落春歸時節滿目楊花飛雪杯酒幾多情愁對東風

語別聲咽聲咽去後相思啼鳩

焦源溥

字涵一三原人萬歷四十一年進士歷官僉都御史巡撫大同殉國難死王阮亭云豹人述中丞殉國難事甚烈為選小詞登之正如陳了翁文信國諸公令讀者愛其寸璣殘壁也

醉花陰

紅綴繁枝鶯語巧弱柳和煙裊玉勒慢尋芳踏徧東皋
滿眼青青草 煙岫重重霞氣表無數山花繞古寺梵
音沉曲徑疎籬纔信郊居好

方子魯

字建元歙縣人有益佳日樓詞一卷曹載信來訪山中偕飲溪上酒家

臨江仙

明詞綜卷五

六

小市橋橫堪繫馬雙溪水暖浮鷗青帘風亞酒壚頭垂
楊當戶牖芳草帶煙流 千里故人雞黍約百錢挂杖
登樓竹林把臂及春遊休嗟逆旅客且作醉鄉侯

錢士升

字抑之嘉善人萬歷四十四年賜進士第一歷官太子太保文淵閣大學士

滿庭芳

次東坡韻

往事千端閒愁萬斛世情無數嗟峨電光石火變態閱
來多坐見新亭洒淚空回首麥秀興歌方悟得金羈脫
去細草落平坡 桃源何處是忙呼漁艇來往如梭長
消受寒蘆皓月銀波更喜蘋香菱熟駕舫艫閒傍蒼柯
何多事羊裘五月江上好披蓑

錢繼登

字龍門嘉善人萬歷四十四年進士官饒州府知府有壑專堂集

浣溪沙

蟬避濃炎靜不譁東隣伊軋線絲車豆棚瓜架野人家
翠莢嫩堪浮茗氣黃雞肥欲待薑芽閒搔短髮日西斜

劉榮嗣

字敬仲曲周人萬歷四十四年進士歷官工部尚書有半舫集

長相思

山悠悠水悠悠水遠山長湘渚秋衡陽天盡頭 風滿
舟雨滿舟細雨斜風生暮愁誰登江上樓

魏浣初

字仲雲常熟人萬歷四十四年進士歷官廣東提學參政有四如山樓集

明詞綜卷五

七

望江南

江南憶佳味憶江鮮刀鱗霜鱗婁水斷河豚雪乳福山
船齊到試燈前

阮大鍼

字集之懷寧人萬歷四十四年進士歷官兵部尚書

減字木蘭花

春光漸老流鶯不管人煩惱細雨窗紗深巷清晨賣杏
花 眉峯雙蹙畫中有個人如玉小立簷前待燕歸來

始下簾

王

坊

字元表江南華亭人萬歷四十四年舉人官信陽州知州

一斛珠

落花

翻空紅雨多隨春信紛紛去萬千綠葉無情緒連夜生
新占盡花開處 一霎辭根無定所傷心紅粉成黃土
憐香只有鶯啼樹似勸東風略做些兒主

鄭士奇

字平子嘉興人萬歷四十六年舉人官興國縣知縣

百字令

自述用東坡韻

先生拂袖賦歸來曾見義熙人物老去懶搖白羽扇只
愛青林石壁坐引桐風書研竹露詩淨蛾媚雲山中皓
首那知世上豪傑 自笑癡興還濃紫芝採就高詠林
間發午後松濤翻雪乳片縷茶煙明滅世事如碁臣心
似水老濯滄浪髮寒梅吹綻一林香影明月

明詞綜卷五

八

張名由

字公路嘉定人諸生有張公路集八卷詞附

清平樂

綠楊陰裏桃徑吹紅雨金勒玉驄何處去滿目天涯飛
絮 別離情緒難禁餘香猶在羅襟盡日翠鈿慵整菱
芳暗襲芳塵

南歌子

新夏

晚霽收梅雨輕陰舞棟花前林煙縷暖殘霞平蕪雙燕
飛去受風斜 悵望迷南浦愁心水一涯滿溝新漲遠
田家不勝聒耳青草有鳴蛙

黃承聖

字奉倩太倉人百蘿窗詞一卷

霜天曉角 春日小窗獨坐聞鷓鴣聲有感

淒涼曉色衣帶雲英濕芳草春來破凍闌千外一痕碧
鷓鴣聲正急綠窗人怨泣休向東皇訴恨狂風在女

牆側

莫是龍

字雲卿以字行更字廷韓江南華亭人以諸生貢入太學

青浦詩傳云雲卿爲方伯如忠子幼而聰慧
工詩詞又善書畫以貢入太學時稱翩翩佳
公子王道思贈以詩云風流絕世美何如一
片瑤枝出樹初畫舫夜吟兩客駐練裙畫臥
有人書又嘗作送春賦皇甫稱之曰以翔
鸞翫鳳之勢模行云滯雨之情王世貞云若
阿嬌出長門小玉枕臂掩泣殊不勝情惜勿
令少年見之年三十而歿

清平樂

明詞錄卷五

九

春光已半無語空腸斷亭院落花脂粉亂掃却坐來還
滿 玉闌消息難憑機頭錦字初成愁似故園芳草東
風一夜還生

徐

炳字與公閩縣人
布衣有菴峯集

望江南

城上角吹動薜蘿煙別意難忘燈下約歸期空向夢中
傳消息杳如年 孤館客今夕不成眠萬井寒砧敲夜
月數聲黃葉墜秋天人在碧雲邊

張

璋字章玉武進人萬歷四十七年
進士官右副都御史謚清忠

雙雙燕 秋日過橫山堂

披蓬探隱到幽草溪頭碧陰山曲竹韻松姿媚却吟眸
詩腹是處翠峯成簇更新秋雨涼如沐深林宛轉芳禽
淺澗琤琮漱玉孤獨簡編娛日有初佩芳蘭供食茂
菊藤床閒憩夢入華胥應樂好是月明簾軸恰一枕清
酣睡足小小花童低報瓦鼎烹茶剛熟

彭紹賢

字孔嘉海鹽人萬歷
間官叅將有擊壺集

浣溪沙

途次有感

曉發離亭春日遲暖風陣陣弄遊絲嫩黃吹上去年枝
別恨陡隨芳草遠歸心先被杜鵑知落花無賴點征
衣

明詞綜卷五

十

吳鼎芳

字凝父吳縣人
後爲僧號唵覽

梅墩詞話吳凝父有春游曲云雨餘芳草綠
新齊亭榭無人絲幕低忽慢好風傳語笑流
鶯飛過杏花西則詩亦詞也

惜分飛

閨情

紅界枕痕微褪玉喚起那禁幽獨好鳥啼春足歸期不
準花鬢卜人盡日眉峯雙凝綠十二繡簾低軸人在闌
干曲楊花却羨無拘束

虞美人

海棠不礙腮紗影鬢羅鴛鴦領繡棚吹落唾花紅但見
餘香一點島晴風柳眠無力輕煙惹春色撩人也羅

衫間搭畫闌邊日暖融融好箇洗頭天

馬

洪

字浩闌仁和人有花影集三卷

詞品馬鶴窗善咏詩尤工長短句雖皓首章布而含吐珠玉錦繡胸腸巖然若貴介玉孫也詞名花影蓋取月下燈前無中生有以爲假則真調爲實猶虛之意徐伯齡云鶴窗與陸清溪同出劉菊莊之門清溪得詩律鶴窗得詞調異體齊名可謂盛矣

少年遊

弄粉調脂梳雲掠月次第曉粧成鸚鵡籠邊鞦韆牆裏
半晌不聞聲 原來卻在瑤階下獨自踏花行笑摘朱
櫻微揜翠袖枝上打流鶯

行香子

明詞綜卷五

十二

紅遍櫻桃綠遍芭蕉鎖窗深春思無聊雙飛燕嬾百囀
鶯嬌正漏聲遲簾影靜篆香飄 憎月前宵病酒今朝
有誰知簪玉微銷封題錦字寄與蘭翹恨樹重重雲渺
渺水迢迢

滿庭芳

落花

春老園林雨餘庭院偏惹蝶駭鶯猜葦紅嫩白狼籍滿
蒼苔正是愁腸欲斷珠箔外點點飄來分明似身輕飛
燕扶下碧雲臺 當初珍重意金錢競買玉砌新栽更
翠屏遮護羯鼓催開誰道天機繡錦都化作紫陌塵埃
紗窗裏有人憐憎無語托香腮

東風第一枝

梅花

餌玉餐香夢雲瞥月中無此清瑩儼然姑射仙人華
珮明璫新整五銖衣薄應怯瑤臺凄冷自驂鸞來下人
間幾度雪深煙暝孤絕處江波流影顛顛也春風銷
粉相思千種閒愁聲聲翠禽啼醒西湖東閣休說當時
風景但畱取一點芳心他日調羹翠鼎

施紹莘

字子野青浦人有花影詞四卷

青浦詩傳云子野少負雋才作別業于柳上
又營精舍于西余極煙波花藥之美時陳眉
公居東余管絃書畫兼以名童妙伎來往嬉
遊故自號浪仙亦慕宋張三影所作樂府著
花影集行世

明詞綜卷五

三

如夢令

日約樓陰初整風暖煙消人靜早起未梳頭閒掃小園
芳徑清淨清淨只剩數枝花影

浣溪沙

半是花聲半雨聲夜分浙瀝打窗檣薄衾單枕一人聽
密約不明渾夢境佳期多半待來生淒涼情況是孤

燈

菩薩蠻

春深加倍心情惡慵歌懶笑梳粧薄獨自掩窗紗鶯啼
訴落花夢回剛拭淚偷立秋千背風起亂紅飛不知

雙淚垂

點絳脣

柳橋次韻

寺枕荒塘時時雪浪吞僧屋橋頭路曲廢井當枯木

如此幽閑恰好閑人宿窗敲竹酒醒茶熟天水鸚哥綠

浣溪沙

月夜

如鏡窺粧逗小樓真珠簾外半痕收倒簪花影土人頭
品得秦箏初度曲花前和露耍鞦韆柳絲濃翠拂鞋

鈞

又

愁臥寒冰六尺藤嬾添溫水一枝瓶亂雜啼雨耍天明

明詞綜卷五

三

等得夢來仍夢別甫能驚覺又殘燈西江別路繞圍

屏

謁金門

春欲去如夢一庭空絮牆裏鞦韆人笑語花飛撩亂處
無計可畱春住只有斷腸詩句萬種消魂多寄與斜

陽天外樹

滿庭芳

初夏

樹染橙香花燃榴火曲池蓮蓋初張槐陰半畝引起竹
床涼門靜閑花自落小園中無數新篁凭欄久閑調鸚

鵲摘葉戲蟬 日長真似歲輕施冰簟閒夢羲皇正

孤蟬吟樹乳燕依梁且喜黃梅過也建蘭開囉芥茶香
東齋晚一壺村酒新月上松窗

董斯張

字遐周烏程人監生
有靜齋詞一卷

柳塘詞話濤上董遐周與周永年茅維爲詞
友周有懷齋詞茅有十齋堂詞而遐周詞
並不隨人口吻陳黃門大樽謂其風流調笑
情事如見者也

鵲橋仙

感悟

輕暖輕寒不晴不雨辜負韶光九十落花飛絮兩無情
仗千尺遊絲作合塗抹東西飄零南北從此

葉夢回始覺未歸休恨一點窺人明月

顧同應

字仲從崑山人萬歷四
十三年副榜子炎武

明詞綜卷五

柳梢青

螢

六曲窗紗夜涼如許秋在誰家簾外星移屋梁月墮逗
得些些玉階悄憶年華曾幾照釵橫髻斜長信宮閒
摩訶池冷光黯秋花

浪淘沙

生小教人憐嬌孽瑤牋春來獨自在窗前謝女簾櫳飛
柳絮秀句先傳香夢逗春煙一晌畱連吟情多半爲
花牽還憶從郎徵險韻譜入冰絃

馮盛世

字念羅嘉善人天啓元
年貢生官鎮海衛訓導

感皇恩

咏鏡

有福共嬋娟相依白首看拂雙蛾似垂柳此中何處有
個人兒爭瘦笑效顰難效腸迴九春塵飛處有時昏
黜洗面還同美人鬪芙蓉映八疑是瀟湘清瀏怪東風
起處吹難皺

范文光

字官僉都御史巡撫川南後殉難死

浣溪沙

再贈梁姬文正

夙世剛修半面緣西風吹上五湖船秋來瘦骨倍堪憐
癡想只教魂盪浪閒情空對影畱連相思同入藥鑪

煎

孫茂芝

字若英嘉善人天啓元年副榜官沔陽州同知

明詞綜卷五

十五

蝶戀花

春暮

柳絮捲將春色去芳草多情別作娛人具寶馬香車忙
不住鞦韆正在陰濃處蝶趁蜂交隨滿路畫扇輕衫
逐處人爭聚若個醒然歸可據酒香一路青松樹

徐石麒

字寶摩青浦籍嘉興人天啓二年進士歷官刑部尚書明亡殉節國朝賜諡忠懿

拂霓裳

望中原故宮錦樹障烽煙驚坐起涼宵夢斷蔣陵前金
人傾寶露玉女繡苔錢問當筵誰能醉鼓漸離絃西
臺哭罷三戶裏識遺賢歛皂帽吹簫乞食總堪憐英雄
身未死屠釣技常連又何顏許青門瓜種故侯田

王屋

字孝峙嘉善人有草賢堂詞十卷

臨江仙

顧四城北新居

獨訪柴門深竹裏板橋流水斜通漁舟泊處暮雲重數
家橫浦上一徑入煙中叢木暗妨樵路遠鷺鷥飛破
霞紅輕雷隱隱小池東藕花鮮着雨菱蔓弱牽風

葉紹袁

字仲韶吳江人天啓五年進士官工部主事後爲僉

梅墩詞話葉天寥水部詞偶見其浣溪沙云銀粉畫雲乾蝶夢繡鍼地兩溼鶉愁冶笑博開雙臉白春愁不上小眉青先輩遂有此新艷過人之句其詞三十三首名遷聊集

水龍吟

寫懷

寂寥蘋渚蘅皋道書讀罷香銷篆松聲入坐藥欄紅亞

明詞綜卷五

六

美人蕉釧極日平蕪天高水遠蓮歌遊遍且藤壺汲煮
青衣小袖點取鳳團香片白把秋棠手洗粉牆西翠
梳新鈿開簾風動畫屏琴石輕陰滿扇挹酒盈尊摘花
侵暝夜涼迎面更堪娛又有椒篇絮句麗詞常見

陸錫明

字幼輿平湖人天啓五年進士官江西提學副使

點絳脣

琵琶

三尺水絃夜深彈破青天竅意中人杳只有清光到
蘆荻蕭蕭都入相思調愁懷抱嫦娥心照訴與伊知道

江

磨字元御長洲人天啓七年舉人有寸碧堂集

浣溪沙

